

WANTOK

NIUSPEPA BILONG YUMI OL PAPUA NIUGINI STRETI 32 YIA NAU

Namba 1,498

Wik i stat long Fonde Mas 27, 2003

K1.00

Insait long WANTOK	Krai bilong ol meri <i>pes 2</i>	Wingti winim ileksen kot <i>pes 4</i>	Nius long provins na rijon <i>Pes 5-8</i>	MAULO TAIM Irak woa <i>pes 9-20</i>	Ol liklik Bisnis Ripot <i>pes 13-16</i>	Painim Bal Resis <i>pes 26</i>
---------------------------	--	---	---	---	---	--




Woa go bikpela

...Irak kalabusim sampela US ami

• (Antap) Piksa i soim tupela soldia husat i stap long woa long Irak.

• (Raithan) Planti lain long wol i egensim woa long Irak. Piksa ya i soim wanpela man i karim bikpela piksa bilong Saddam Husein long taim bilong protes.



WOA long Irak i wok long go bikpela na strong nau namel long ol ami bilong Irak na Amerika we ol ami bilong Amerika i wok long surik i go klostu insait long biktaun Bagdad.

Dispela hap nau em i nogat ami i surik i go moa bikos ol i gat pret tu long strong bilong Irak inap mekimsave long ol. Bikpela pret olsem nogut Irak i yusim ol posin smok bom long bagarapim ol ami bilong Amerika, Briten na Australia. Ol tripela kantri ya i bung wantaim na pait egensim Irak.

Namba bilong ol ami long dispela tripela kantri i olsem 200,000 olgeta.

Long las wik Fraide yet ol ripot i kamap olsem wanpela helikopta bilong Britis ami i bin pundaun long wanpela oil ples long Irak. Ol i tok sampela samting i asua long helikopta. Olgeta ami i dai.

Long wik en tu ol Irak i sutim sampela helikopta bilong Amerika we helikopta i pundaun na ol i holim ol dispela lain Amerika ami i go kalabus nau long Irak istap.

Presiden bilong Amerika George Bush i mekim tok lukaut i go long Irak long noken bagarapim ol dispela lain soldia we ol i holim i stap kalabus. Sapos Irak i mekim nabaut long ol na bagarapim bodi na skin bilong ol nabaut bai Amerika i kotim Irak long sas bilong Woa Kriminel. Long Bagdad siti yet em ol ami bilong Irak i sutim planti helikopta na balus bilong Amerika long dispela wik i

kam. Wanpela helikopta igo daun na ol i ting tupela pilot em ol Irak i kisim tupela i go kalabus. Ol i bilip 20 ami bilong Amerika i dai pinis na 14 i stap kalabus nau. Ol ami bilong Amerika i bilip sapos ol igo klostu moa long Bagdad bai Irak inap yusim ol strongpela posin ges bom. Ol dispela ges bom em Amerika na planti kantri long wol i pret bikos strong bilong ol i nogut tru we i ken bagarapim planti manmeri nabaut na bagarap bilong em i bikpela tumas.

• Moa long 15,000 man long Indonesia i tokaut long ol bai i go pait long Irak. Ol i laik pait egensim ol ami bilong Amerika. Ol i kolim ol yet holi warias. Ol i tok dispela lain bai igo pait em ol lain husat i gat save long pait long woa bikos ol i bin pait bipo long woa long Ambon insait long 4-pela krismas Poso long Sentrel Sulawesi, Bosnia na Afganistan. Ol arapela bai ol i skelim na makim ol long kamapim dispela soldia grup bilong salim i go long Irak.

Dispela grup i tok ol bai askim Indonesia gavman long givim helpim wantaim mani long salim dispela ami grup tasol sapos Indonesia gavman i no helpim, ol i gat arapela bisnis lain insait long wol i redi long putim mani long salim dispela ami grup.

Dispela grup i tok ol i no wari sapos Amerika bai winim dispela woa long Irak.

i go long pes 2

UMW

EXPECT GREAT THINGS

Kerosin Jenareta
Pawa bilong Kubota

Niugini Limited

Pawa bilong Kubota

2KVA
\$2,180.00
+ VAT

3KVA
\$2,810.00
+ VAT

WORK FORCE

PORT MORESBY BRANCH Morea Tobo Road P.O. Box 5243 Ph: 325 5766 Boroko, NCD Fax: 325 0805	LAE BRANCH Seagull Road, Voco Point P.O. Box 1729 Ph: 472 2444 Lae, M.P. Fax: 472 3342	LIHIR BRANCH C/- Lakaka, FMB Lihir Island Ph: 986 4194 New Ireland Province	VANIMO BRANCH P.O. Box Vanimo, Sandaun Province, Ph/Fax: 857 1437
KOKOPO BRANCH Cnr Tokua Gelagela Rd, Kokopo Ph: 982 9799 Fax: 982 8979			

Ol mama strongim gutpela sindaun

ALISON ANIS
i raitim

"LONGPELA taim tru blut i bin wasim ol pikinini bilong mipela. Noken hariapim ol." Dispela hap toktok em wanpela mama bilong Bogenvil i bin tokaut long em.

Dispela meri husat i wok long wokim pis o kamapim gutpela sindaun insait long Bogenvil i bin tokaut long hap toktok ya long las mun, tasol toktok ya i gat bikpela mining.

Dispela mining yu ken lukim long ol ai bilong ol meri Bogenvil husat i stap i bin stap na pilim pen na kisim bagarap long taim nogut bilong Bogenvil woa.

Dispela i tokaut long daun

pasin bilong ol meri long wok ol mekim long kamapim pis gutpela sindaun bhain long woa, na rot bilong ol long wet gut na tingting gut pastaim bhain ol i ken mekim samting.


Dispela em i traipela samting tru, tasol bikpela samting yet em toktok ya i autim em long lav o lewa bilong ol meri long Bogenvil na ol pikinini bilong Bogenvil husat i bin bagarapim ol pastaim long taim bilong woa. Tasol ol meri i soim olsem i nogat kros long ol, na ol i lus tingting pinis long wanem samting i kamap na i pogivim ol pikinini husat i bin mekim asua.

Long dispela ol meri i soim olsem - ol i mama tru bilong Bogenvil na bilong mekim pis o

gutpela sindaun husat nau i wok long stretim ol liklik hevi bilong woa i stap yet. Ol meri Bogenvil, long toktok yumi kisim pinis, i mekim traipela wok long kontribuit long bringim pis long ailan. Em long dispela tasol na ol i no inap long sindaun bek na lukluk. Ol i gat stronpela laik long wok yet inap long rausim olgeta hap liklik samting o tingting bilong woa na bai Bogenvil i ken kamap orait gen.

Dispela toktok antap em wanpela mama i bin tokaut long iau bilong wanpela ministra husat em wanpela meri ministra tasol bilong palamen bilong Papua Niu Gini, em Lady Carol Kidu long taim ol ministra i go lukluk raun long Bogenvil las mun.

PNGCC apil long Amerika long stapim Iraq woa



• Seketeri bilong PNGCC Sophia Gegeyo.

OL MEMBA sios long PNG Kaunsil ov Sios i apil long gavman bilong Amerika, Ingran na ol sapota long kwiktaim stapim pait long Irak na larim Yunaitet Nesens Sekyuriti Kaunsil i karimaut wok long stapim Iraq long wokim ol strongpela posin samting bilong pait na bagarapim man.

Seketeri bilong PNGCC Sophia Gegeyo i tok Kaunsil i sapotim PNG gavman long go egensim dispela rot we Amerika na ol pren kantri i wokim long karimaut woa long Iraq.

"Ol memba sios bilong PNGCC i prea long ol pipel husat i wok long kisim hevi long dispela taim bilong pait, ol soldia wantaim ol famili bilong ol tu wantaim. Tru, sampela i go egensim rot bilong stretim hevi long pasin bilong toktok, singaut bilong mipela long gutpela sindaun o pis i stap yet. Maski wanem kain woa, em i save kamapim hevi na dai long ol soldia na ol man nating.

Bagarap i save kamap long ol samting bilong ol pipel, gavman na ol praivet kampani na tu long bus, graun na wara. Woa i save kamapim bruk nabaut long ol pipel, gavman na sosaiti. Em i wankain tu long dispela woa.

"PNGCC i singaut long ol Kristen manmeri long dispela kantri long kam wantaim na askim God long gutpela stia na tu long lukim na bhainim laik bilong em.

"Ol sios i mas go het long wok wantaim long stapim woa, long helpim ol dispela i gat nid na wok wantaim ol lain bilong ol arapela lotu grup, moa yet ol Muslim, bilong kamapim luksave namel long ol kantri long wol," Misis Gegeyo i tok.

Em i tok olsem yu ol lain i bhainim Jisas, taim ol hevi na dai i kamap, i gutpela long tingim ol toktok bilong em," Mi kam long yupela i ken gat laip na dispela laip bai i ken kamap strong", Misis Gegeyo i tok.

Ol meri bhainim gutpela we long kamapim pis

LONG nambawan taim tru bhain long ol toktok bilong Bogenvil i bin kamap, ol wari bilong ol meri bilong Bogenvil husat i bin kontribuit long traipela we long kamapim gutpela sindaun long ailan, i kamap long palamen na long iau bilong ol lida bilong palamen.

Dispela em i bikpela samting long ol mama bilong Bogenvil we i bin kamap bhain long Ledi Carol Kidu i wantaim ol arapela ministra na ol gavman opisel i bin go long Bogenvil.

Ol wari ol mama i bin gat em Ledi Kidu i autim long palamen long wanpela mun igo pinis na nau istap long

han bilong ol ministra na ol arapela husat in ken mekim samting long lukluk long dispela.

Ledi Kidu long taim bilong trip, i bungim ol mama na toktok wantaim ol na luk olsem ol mama i bin planti samting stret long toktok long en, long wok bilong ol long kamapim gutpela sindaun, na ol tokaut long ministra long wanem samting ol i laik lukim long kamap.

Ledi Kidu i bin autim ol wari bilong ol mama taim em i bekim toktok insait long wanpela dibet long Bogenvil insait long palamen long taim bilong palamenteru siting.

Long stap bilong em wantaim ol mama, ministra i tok olsem em i lukim olsem ol mama i wok long kisim stret gutpela wei long kamapim gutpela sindaun long provins.

Em i tok: "Ol toktok bilong ol meri ino bilong pawa politiks. Em i bilong sastenebol komyuniti developmen na long kamapim nupela na strongpela Bogenvil."

Ledi Kidu i bin bung wantaim ol mama lida bilong Yunaitet Kieta Wimen's Ko Grup insait long Arawa. Ol ko grup i bringim wantaim ol Kieta Distrik Kaunsel ov Wimen, Kieta Katolik Wimen,

Wimen for Pis na Fridom, Yunaitet Sios, SDA, CLC Sios na Wimen long bisnis.

Ledi Kidu i bin bungim tu ol lain ripresentativ bilong Arawa distrik Wimen's Kaunsil na Leitana Nehan Wimen's Developmen Ajensi. Olgeta ol dispela meri grup i save wok bung wantaim long kamapim sosio-ekonomik developmen olsem eim bilong ol.

Meeting bilong ol meri wantaim Ledi Kidu em wanpela memba bilong Bogenvil Provinsel Eksekutiv Kaunsil, Theresa Jaintong i ogenaisim.

Ledi Kidu askim long luksave

TAIM em i autim toktok bilong ol meri long palamen, Ledi Kidu i bin tok amamas long ol mama long traipela na gutpela wok ol i bin mekim long kamapim gutpela sindaun.

"Ol i no bin mekim dispela tasol, ol i bin go pas long graun na singaut strong olsem, inap, na woa i mas pinis. Dispela em olgeta i save tokaut long publik," Ledi Kidu i tok.

Olsem Ledi Kidu i tokaut, insait long Bogenvil, ol mama or meri igat nem. Dispela em i minim olsem ol i kamap bosmeri bilong graun na olgeta samting antap long giraun.

"Tasol ol karim nating dispela nem, ol ino kisim luksave olsem ol i bikpela long sait bilong stopim birua na kamapim pis, olsem na bikpela laik bilong ol em long kisim luksave na kamap

wankain wantaim ol lida man long kamapim pis wok.

Ledi i sapotim toktok bilong meri. "Ol meri ino bin kisim luksave long pis wok insait long Bogenvil. I gat faiv pela meri insait long provinsel assembli tasol c spela ol meri ino kisim luksave ol i kamap olsem ol sait lain :asol."

Bikos pis wok i wok long go insait long rekonstraksen, ministra i tok olsem em i gutpela olsem ol meri i mas kisim luksave na mas gat ol meri i makim ol insait long Bogenvil Konsaltativ Komiti.

Ledi Kidu i tokaut long risen wai na ol i bin makim em long kamap ripresentativ bilong ol meri long Bogevil Konsaltativ Komiti na tokaut long kamap olsem long em i kamap memba, ino soim olsem em i makim ol maus bilong ol meri.

Irak woa i go bikpela

I kam long pes 1

Planti manmeri na pikinini i wok long ronawe i go long boda na ol kem we Amerika na ol Britis ami i redim tasol planti i stap bek long kantri bilong ol.

Ripot i tok planti manmeri nating em ol Irak ami i givim ol sotgan long yusim long pait egensim ol Amerika na Britis ami.

Tasol ol ami bilong Amerika na Britis i wok long wok hat tru long abrusim ol manmeri nating na go stret long ol ami bilong Irak.

Gavman bilong Amerika, Britis na Australia i laikim bai presiden bilong Irak Saddam Hussein i mas kirap lusim Irak o em i mas dai long dispela woa na ol pipel bilong Irak i ken kamap wantaim nupela gavman bilong

ol yet we i ken givim ol fridom long vot na mekim ol samting na i no kain gavman we ami i lukautim kantri.

Planti tausen manmeri insait long Australia, Amerika, Britis na arapela kantri moa long wol i holim bikpela straik tru long siti bilong ol yet egensim gavman bilong dispela tripela kantri long noken go het long woa long Irak.

Ol pipel i straik long ol ami i mas stapim woa nau. Ol bikpela kantri olsem Frens, Nu Silan na arapela moa long midel is i no laikim woa. Nu Silan i wanbel long givim helpim long ol manmeri i kisim bagarap long dispela woa.

• Lukim moa stori long pes 11 na 12.

WANTOK

All departments, Phone: 325 2500 - Fax: 325 2579
P. O. Box 1982, Boroko, NCD, Papua New Guinea



Publishing Weekly, Thursday, for
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

General Manager
Jeremy Burgess.

Editor of Wantok:
Yakam Kelo.

Papers distributed by air throughout PNG. Available by air mail subscription within Papua New Guinea and overseas.
Email address: word@global.net.pg

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of its official display Advertising Bookings form.

TORO

TORO KONIM OL MAN OLSEM EM WANPELA LEN OUNA NA OL MALAYSIA I KAM KATIM OL DIWAI LONG PLES BILONG EM STRET...

EM PAINIM WE BILONG EM I KAM LONG MOSBI NO GO KONIM OL MAN NA KISIM MONI NA PROMISIM OLSEM EM BAI BEKIM NEKS WIK WANTAIM INTERES...

YUPELA OLGETA KAM BUNGIM MI LONG PNGBC BENK LONG FRAIDE! YU SAVE ROYOLTI PEIMENT!



BAGA KISIM MONI NA GO SPAK NA SAUTIMNA KONIM OL YANGPELA MERI LONG HOTEL..

< HIC! > AM A LEN OUNA!! DRING AP! MAI SAUT!



WANWIK BIHAIM NA OL MAN PAINIM TORO LONG KISIM MONI BILONG OL BEK WANTAIM INTERES..

HEI! MAN YAH TOK BAI MIPELA BUNGIM EM LONG HIA LONG BENK YAH!



NOGAT TRU! TORO EM KISIM MONI BILONG OL NA LUS IGO PINIS LONG OSTRELIA NA SILIP LONG WESAN BILONG SEFES PARADAIS LONG HAP...



Meri greduet givim toktok long UPNG

HILDA WAYNE
i raitim

YUNIVESITI ov Papua Niugini i mas i gat moa gutpela plen insait long edministresen long helpim em i kamap wanpela gutpela yunivesiti insait long kantri.

Dispela em i toktok bilong wanpela yangpela meri husat i bin greduet long las wik Fraide na em i bin makim maus bilong ol studen long givim bikipela toktok.

Meri ya nem bilong em Julie Airi na em i tok strong olsem em yet wantaim olgeta studen husat i greduet i amamas tru olsem ol i lusim yunivesiti pinis na ol i laik go aut long kantri na helpim moa developmen.

Mis Airi i toktok long tripela bikipela samting we UPNG i mas mekim long traim helpim ol studen husat i laik wok hat long kisim gutpela edukesen.

Pes samting em i toktok long en em long edministresen i mas painim wanpela gutpela rot long stretim rekot sistem bilong

UPNG.

Em i tok wanpela bel hevi we em yet wantaim ol wan skul bilong em i save lukim long olgeta yia em long sait bilong rekot bilong ol.

Mis Airi i tok bikipela hevi i stap namel long ol studen taim ol i no save kisim ol mak bilong ol long taim stret.

Em i tok planti rekot bilong ol i no i stap gut insait long sistem bilong UPNG na taim ol i kisim rekot sampela mak em ol i save lukim olsem i no i stap na mekim bel hevi long ol studen.

Narapela samting em i toktok long taim bilong registresen we i save kisim longpela taim tumas na dispela em i no gutpela.

Mis Airi i tok nau long dispela taim ol studen i gat tenpela wok tasol long stadi long wanwan kos na em i sotpela taim tumas.

Ol studen i save lusim planti taim tru long mekim registresen wok tasol na dispela i no gutpela bikos ol i save lusim planti taim tru long mekim dispela wok tasol.

Las samting em i toktok long en em long Open Koles we ol studen i save painim hat tru long kisim ol buk bilong helpim ol long stadi.

Mis Airi i tok em bai moa gutpela sapos Open Koles i ken mekim redi ol stadi buks bilong ol studen na dispela bai helpim ol studen long lainim samting gut.

Em i tok ol dispela studen bilong Open Koles i save lusim planti mani tru long baim skul fi na ol i mas kisim gutpela helpim long stadi gut.

Mis Airi i tok tu olsem UPNG edministresen i mas mekim moa wok tu long helpim ol studen long kisim sampela kain wok trening insait long ol gavman oganaisesen bai ol studen taim ol i stap long skul yet i ken wok pat-taim tasol bilong traim kisim sampela kain ekspiriens.

Em i tok amamas long UPNG edministresen i helpim ol nau long kisim pepa bilong ol na ol bai pinis nau long bikipela skul bilong ol.

Gavman mas kamapim moa wok

NOGAT planti wok i stap bilong ol nupela greduet i ken kisim taim ol i pinisim skul na lusim skul long Yunivesiti ov Papua Niugini.

Dispela em i wanpela tingting we i bin stap long het bilong planti famili memba na pren bilong ol studen husat i bin greduet long UPNG las wik Fraide.

Planti moa studen tu i tokaut long hevi bilong ol olsem ol i nogat wok na ol i kam greduet na gavman i mas mekim sampela samting long givim moa wok long ol studen.

Wanpela studen husat i makim maus bilong olgeta gredueting studen long toktok Mis Julie Airi i tokaut olsem wanwan studen tasol i stap long sampela kain wok na ol i kam kisim bikipela pepa bilong ol tasol olgeta i nogat wok na em i no asua bilong ol.

Em i tok wanpela bikipela samting em long pinisim skul tasol narapela samting tru em bilong ol studen long painim wok na dispela i kamapim moa bel hevi namel long ol sponsas

na ol papamama husat i wok hat tru long helpim ol UPNG studen long pinisim skul.

Mis Airi i tok UPNG edministresen i mas wokbung wantaim ol gavman dipatmen na traim hat long helpim ol studen long kisim sampela wok ekspiriens na dispela i ken helpim ol studen taim ol i greduet na pinisim skul.

Em i tok planti nogat rot long painim wok bikos taim ol i stap long skul bikipela samting ol i save mekim em nogat wanpela liklik ekspiriens i stap long na dispela i mekim hat long ol studen.

Narapela studen Garry Laka i tok strong tu olsem nau em taim bilong ol i ken stap redi long painim wok tasol nogat we long painim wok bikos insait long kantri i hat tumas long painim wok.

Em i tok olgeta wanwan yia bai moa studen i lusim ol yunivesiti long kantri na greduet tasol ol i no painim wok na gavman bai mekim wanem long opim rot long ol i ken kisim wok.

Mista Laka i tok gavman i mas mekim moa wok long traim givim sans long ol yunivesiti studen i ken greduet na amamas olsem hat bilong ol na famili bilong ol i karim kaikai tru taim ol studen i painim wok bilong ol stret we ol i stadi long en.

Em i tok neks yia bai moa studen i greduet na lusim skul tasol gavman i mas soim ol olsem sindaun bilong ol bihain taim ol i lusim skul em bai gutpela bikos ol i gat wok i wetim ol i stap.

Mista Laka i tok planti bikipela hat tru ol famili na pipel bilong em i karim long helpim em i kam long skul na em i tok bai em i sanap strong yet long lukluk i go long bihain taim bikos em i tok bikipela hatwok i pinis.

Em i tok tenkyu tru long ol famili na moa yet em mama bilong em husat i no stap long witnessim greduesen bilong em.

Mista Laka i tok em yet wantaim planti moa pren bilong em i wok long painim wok yet na gavman i mas noken larim dispela kain pasin i kamap long ol studen husat i kam bihain.



Taim bilong amamas...

• Sampela gredueting UPNG studen i luk smat tru taim ol i laik kisim bikipela pepa bilong ol las wik.



Bikipela saveman... • Dokta Thomas Webster husat i Eksekutiv Dairekta bilong Open Koles long UPNG i sanap amamas long taim bilong bikipela greduesen. *Ol foto:* HILDA WAYNE

Taim bilong sanap strong long kamapim developmen

HILDA WAYNE
i raitim

PIPEL bilong Papua Niugini i mas lusim dispela kain tingting bilong lukluk long narapela kantri long kisim helpim na yumi mas lukluk na bilip long mipela yet long kamapim gutpela developmen long kantri.

Praim minista bilong PNG Sir Michael Somare i tok i gat planti paul toktok i kamap long bagarapim tingting bilong ol sitisen long kantri tasol ol pipel i mas gat bilip long ol yet.

Sir Michael i toktok long taim bilong greduesen long Yunivesiti ov Papua Niugini na em i tok bikipela samting em ol pipel i mas gat bilip long ol human risos bilong kantri yet na noken tingting long narapela ausait kantri.

Em i tok planti studen i greduet long UPNG na sampela bilong ol em ol i stap lida bilong kantri nau.

Sir Michael i tok nau moa studen i wok long lusim ol yunivesiti long olgeta hap long kantri wantaim bikipela save na ol i mas yusim dispela gutpela save bilong ol long mekim PNG i kamap moa develop.

Em i tok wantaim dispela gutpela save ol UPNG studen i gat ol i mas yusim long bringim gutpela belt, edukesen na ol narapela sevis i go

long ol pipel bilong ol.

Sir Michael i tok planti studen i lusim yunivesiti na dispela i soim olsem i gat ol gutpela human risos insait long kantri yet.

Em i tok nau em taim bilong mipela long PNG long putim bilip bilong mipela long ol pipel bilong mipela i ken mekim ol gutpela wok na helpim kantri.

Sir Michael i tok amamas tru olsem planti bilong ol studen husat i greduet em ol meri bikos namba bilong ol meri i go long UPNG i go antap tru.

Em i tok bipo i no planti lain i save pinis long ol bikipela skuls tasol nau i gat moa pipel i wok long lusim skul na go insait long ol gavman na praivet sekta long wok na strongim kantri.

Plantil ol developmen i kamap long UPNG na em i tok amamas olsem edministresen i mekim ol dispela wok long kamapim gutpela edukesen we ol studen bai kisim wantaim ol dispela senis. Sir Michael i tokim ol studen husat i greduet olsem ol i mas mekim tru na hones pasin taim ol i stap insait long wok fos na karimaut wok bilong ol gut wantaim tingting bilong narapela lain na tu wantaim bikipela bilip long ol human risos long kantri.

Sir Michael i bin mekim dispela ol toktok taim em i go long greduesen olsem wanpela ges spika bilong greduesen.

Wingti win long ileksen kot


GAVANA bilong Westen Hailans provins Paias Wingti i winim kot bilong em long egensim kot petisen bilong olpela Gavana Pater Robert Lak long Tunde dispela wik.

Deputi Sief Jas bilong Nesenel Kot Sir Mari Kapi i rausim dispela kot salens bilong Pater Robert Lak egensim Paias Wingti bikos 5-pela witnes bilong em i no inap soim na kamautim stret ol evidens bilong soim ol asua bilong Paias Wingti.

Loya bilong Paias Wingti i askim kot long rausim dispela ileksen petisen bilong Pater Robert Lak bikos i nogat inap evidens o ol samting tru bikos soim long asua bilong Mista Wingt long taim bilong ileksen



• Paias Wingti.



• Pater Robert Lak.

2002.

Pater Lak i kot long ol ileksen pasin Mista Wingti olsem i gat ol hait pasin bilong baim na grisim ol manmeri i bin kamap na ol arapela paol pasin bilong winim ileksen i bin kamap long taim bilong 2002 nesenel ileksen long rijinol sit bilong Westen Hailans provins.

Paias Wingti i bin

olpela Gavana bilong Westen Hailans provins na tu i bin olpela Praim Minista bilong Papua Niugini na lida bilong Pipels Demokretik Muvmen (PDM) pati.

Inap 1997 nesenel ileksen we Pater Robert Lak i kamap na winim Mista Wingti long rijinol sit bilong Westen Hailans provins.

PNG helpim Solomon Ailan wantaim K50,000

GAVMAN bilong Papua Niugini i givim K50,000 helpim long ol pipel bilong Solomon Ailan bihain long bikpela win na solwara i brukim ol haus na ples long hap long las mun.

Long makim maus bilong PNG Gavman, Minista bilong Foren Afeas Sir Rabbie Namaliu i givim K50,000 i go long Hai Komisina bilong Solomon Ailan Philip Kapini long Tunde dispela wik long Mosbi.

Sir Rabbie i tok dispela helpim i makim pasin brata PNG i gat wantaim Solomon Ailan na ol wan solwara kantri insait long Pasifik. PNG i bin givim wankain helpim olsem i go long Fiji long las mun taim bikpela hevi olsem i kamap na

YAKAM KELO i raitim

bagarapim ol ples na ol samting we i bagarapim tru sindaun bilong ol manmeri long hap.

Em i tok taim ol kain hevi bilong graun olsem solwara i bagarapim ples, guria, volkenu na arapela hevi moa olsem i save kamap, i gat pasin i stap pinis long bipo i kam olsem yumi i save helpim ol na ol tu i save helpim yumi long wankain hevi olsem.

Sir Rabbie i tok tru ol bikpela kantri olsem Australia na Nu Silan, Japan na arapela bikpela kantri moa long ovasis i bin givim bikpela helpim long PNG long ol taim nogut olsem


volkenu long Rabaul, Manam, solwara bruk long Aitape na ol arapela hevi moa. Tasol ol liklik brata kantri long wansolwara long Pasifik tu i bin kam wantaim ol helpim bilong ol tu long dispela taim nogut.

Olsem na long makim PNG gavman na ol pipel, em i tok tenkyu long ol helpim Solomon Ailan na ol arapela Pasifik kantri i save givim long PNG.

Mista Kapini long makim maus bilong Solomon Ailan i mekim bikpela tok tenkyu long PNG gavman long dispela helpim.

Mista Kapini i tok dispela helpim bai strongim tru pasin na ol wok poroman namel long tupela kantri long longpela taim i kam.

• Praim Minista Sir Michael Somare (raithan) wantaim Vais Sansela bilong UPNG Profesa Les Eastcott i sindaun witnesim ol sumatin bilong yuni i greduet long las wik Fraide. Foto: HILDA WAYNE.



WANTOK

NIUSPEPA BILONG YUMI OL PAPUA NIUGINI STRET

P. O. Box 1982, Boroko
Telepon namba: 325 2500
Feks namba: 325 2579
email: word@global.net.pg

PE BILONG WANPELA YIA 52 NIUSPEPA

PLES	AIR
PNG	K140.00
Ostrelia na Nu Silan	US\$67.00
Esia Pasifik na Japan	US\$80.00
Amerika na Yurop	US\$150.00

BIABIA BIABIA SANAP LONG ELEKSEN...NAU EM I GIVIM VOT BILONG EM..

TENKIU MAI PIPOL! MI KASTIMA PES VOT BILONG MI!

BALOT BOK!

BIABIA EM SO-OFF STRET LONG LUKIM OLSEM EM FESMAN TRU LONG OL I KAUNTIM EM...

GO! GO! BIABIA! YU EM LIDA TRU, YAH!!

ELEKSEN TALLY

NO.	BIABIA	1
NO.	JOS	

TAIM BILONG KAUNTIM VOT BIABIA GO LONG TALLY RUM NA LUKLUK LONG OL I KAUNTIM VOT..

ELEKSEN TALLY

NO.	BIABIA	
NO.	JOS	
NO.	PAI	
NO.	EMGE	
NO.	BEN	
NO.	GENP	
NO.	MAYS	
NO.	BAKA	

NAU OL ARAPELA I KAM NA ABRUSIM NAMBA BILONG BIABIA NA OL I GOYET... BIABIA ISTAP LONG I-VOT YET NA EM KARAI..

BOOHOO! SEKIM OL BALOT BOKIS YAH!!!NOGUT OL I RAUSIM OL VOT BILONG MI YAH!!! EM FAUL PLE! YAH!!! BOOHOO!!!

PFP sanapim tupela kendidet long Sauten Hailans ileksen

PIPOLS First Pati long las wik i makim tupela kendidet bilong resis long Sauten Hailans saplimentri ileksen long neks mun.

Pati lida na Gavana bilong Morobe provins Luther Wenge i tokaut olsem pati bilong em i makim Peter Honale long sanap long Sauten Hailans rijinol sit na Yakum Pinpin long sanap long Imbongu Open sit long dispela saplimentri ileksen.

Mista Wenge i tok pati i gat bilip long tupela man ya long pasin na lidasip tupela i gat long wok bilong tupela long bisnis na gavman opis tupela i bin holim.

Em i tok ol pipel bilong Sauten Hailans i mas makim gutpela

lida long lukautim na ranim gut provins bikos Sauten Hailans provins we i gat planti bikpela samting i stap long en.

Sauten Hailans i gat planti risoses, planti manmeri, bikpela eria bilong graun na planti saveman bilong mekim wok olsem na ol pipel i mas makim rait lida bilong go pas long provins long yusim gut olgeta dispela samting we i bikpela samting long ol pipel bilong provins na kantri olgeta.

Mista Wenge i askim ol pipel long lukaut long ol nogut lida husat bai kamap na bagarapim olgeta gutpela samting ol i gat long en na bagarapim provins gen olsem bipo.

Em i tok olgeta

kendidet husat i sanap long ileksen nau i mas gat save long mekim wok, gutpela edukesen na ol wok bilong em i gat gutpela stori na kaikai long en we ol pipel i lukim pinis. Lida wantaim dispela kain samting i ken lukautim gut provins na ol pipel na mekim samting stret.

Mista Wenge i askim kot long hariap pinisim kot bilong olpela Gavana Anderson Agiru na olpela memba bilong Imbongu Peter Peipul bai olgeta samting i mas stap stret taim ol pipel blong Sauten Hailans i go long dispela saplimentri ileksen.

Pipols First Pati bai traim dispela saplimentri ileksen olsem namba wan traim bilong pati we dispela

Saveman bilong pulim wara i lusim kantri

LYTHIA WILLIAM
i raitim

YUNIVESITI ov Teknoloji (Yunitek), long Lae siti, long las wik bin tok gutbai long wanpela wokman bilong em Issac Chege husat kontrak bilong em i pinis wantaim ol.

Mista Chege husat bilong ples Kenya long Is Afrika bin wok wantaim Apropriet Teknoloji na Kominiti Developmen Instityut (ATCDI), wanpela division insait long Yunitek long mak olsem klostu tripela krismas.

Dispela man bin mekim wok olsem wanpela voluntia wantaim wanpela grup ol kolim long Voluntia Servises Ovasis (VSO).

Em ino man nating blong wanem em holim wok olsem wanpela enjinia long sait bilong wara. Na em bin mekim planti wok insait long Morobe provins long helpim ol pipel wantaim wara saplai.

Wanpela bikipela projek we em bin go pas long en long taim em bin stap long Morobe provins em long skulim ol pipel bilong ples long wanpela teknik bilong pulim wara saplai long ol kain samting olsem raunwara na ol arapela hap we wara save ron long en long ples.

"Teknik bilong pulim wara yusim ol samting olsem rop na wasa we ol ples lain ken mekim wantaim ol olupela taiya em wanpela bilong ol bikipela projek we mi bin go pas long em," Mista Chege bin tok bipo long em bin go bek long ples blong em.

Em tok olsem insait long dispela kontrak blong em wantaim ATCDI em bilip olsem em i kamapim mak olsem 35 wara pum insait long Morobe. Tasol em bilip olsem dispela mak em antap moa bikos planti lain bin kisim skul long mekim dispela ol pum bilong wara.

Ol ples we dispela ol samting istap em long ol kain hap olsem Makam, Huon Galf, Finsafen na tu long Siassi.

Em tok olsem bikipela samting we em bin save tok aut long ol trening woksop em long ol lain long karim dispela teknik we bai mekim sindaun blong ol long ol ples blong ol bihain long ol trening woksop na skulim ol arapela long ples blong ol.

Em tok dispela teknik em i no nupela tasol em amamas olsem em lusim wanpela teknik we bai mekim sindaun blong planti pipel long ples i gutpela. Em laikim bai planti moa bai ken kisim dispela save na yusim.

Mista Chege itok aut olsem wok blong em wantaim ATCDI bin bungim planti salens tasol em tok em i amamas bilong wanem em yet i lainim planti nupela samting tu. Antap long dispela em tok em sori olsem em bai lusim ol planti gutpela poroman blong em we em i bungim long hia.

"Mi lainim planti nupela samting, bungim kainkain lain na bin gat sans long lukim ol kastom na arapela pasin tumbuna blong ol pipel long PNG," Em tok.

Long wankain taim man husat bai tekova long wok blong Mista Chege i kamap pinis long Yunitek.

Dispela man em tu i wanpela voluntia wantaim VSO na em blong ples Nethalens na nem blong em Piter Visser.

Mista Visser tu i kisim skul olsem enjinia long sait bilong wara na em bai surukim wok na ol projek we Mista Chege i mekim long stap blong em wantaim ATCDI.

Kontrak blong em tu bai kisim mak klostu olsem tripela krismas.

Dispela man bin wok olsem wanpela voluntia long ples Vanuatu bipo long em kam long PNG na em bilip dispela bai helpim em gut tru long stap blong em long hia.

Butibam i lusim lida

OL PIPEL bilong Lae siti na Morobe provins bin lusim wanpela bikman bilong ol nem bilong em Bogan Muttu husat bin dai long Trinde moning long las wik.

Ampo Luteran Sios bin pulap nogut tru long las wik Fonde wantaim ol ples lain na ol bikman bilong gavman na praiwet sekta husat bin kamap long wanpela lotu we i bin kamap long tok gutbai long leit Mista Muttu em papa bilong olupela mausman bilong gavman long Amerika, Sir Nagora Bogan na tu olupela bosman bilong bikipela takis opis bilong Papua Niugini.

Long dispela lotu we bin kamap Sir Nagora bin

tokim ol pipel olsem papa bilong em i wanpela gutpela man tru husat i lainim ol long planti gutpela samting long helpim ol na tu ol arapela lain long strongim sindaun blong ol long dispela laip, long dispela graun.

"Gutpela na strongpela stia tok we papa blong mipela bin save givim mipela taim mipela i liklik i mekim mipela kamap ol dispela kain lain we nau yupela i lukim. Em wanpela man husat i gat gutpela pasin blong laikim na tu bin lukautim mipela gut tru," Sir Nagora itok.

Narapela bikman husat bin givim liklik hap tok tu long dispela lotu em olupela primia blong Morobe provins na nara-

pela wokman blong gavman long ples Amerika tu, Utula Samana.

Mista Samana long hap tok bin tok olsem Let Mista Muttu bin wanpela kain man stret husat bin senisim laip blong planti lain husat bin save long em.

Leit Mista Muttu bin lusim laip blong em long las wik long Tusa Praivet Haus sik bihain long em bin kisim sik malaria.

Dispela lidaman bilong Gwatu klen long ples Butibam bin gat krismas mak olsem 73.

Ol manmeri na pikinini bin harim laip stori blong Mista Muttu olsem namba wan wok em bin painim em wantaim ol lain long Woks Dipatmen.

Bihain long dispela em bin joinim PNG Difens Fos olsem wanpela soldia pastaim na bihain em suruk igo antap long holim taitel olsem Sajen Meja. Em bin lusim ami long 1980.

Bihain long dispela em bin holim wok olsem siaman bilong Lae Siti Kaunsel na bihain em kamap Siaman bilong Butibam Progres Asosiesen.

Dispela em wok we em bin holim kam inap long taim em bin bungim dai blong em long las wik.

Leit Mista Muttu i marit na i gat nainpela pikinini na mak olsem 23 bubu.

Ol bin planim bodi blong em long ples blong em long Butibam.



Ol wanwok long Lae
• ol wokman meri bilong Chemica long Kisere strit didiman supamaket i sanap long kisim poto.

Dadae kamapim menesmen kampani bilong pipel

MEMBA bilong Kabwum, Bob Dadae i gat bikipela driman long lukim bai pes bilong ilektoret blong em i mas senis na moa developmen mas kamap.

Long dispela as em i kamapim sampela nupela projek insait long eria bilong em long mekim bai dispela driman ken karim sampela kaikai insait long dispela taim em gat insait long palamen.

Wanpela blong ol dispela samting we em i kamapim pinis em long kirapim wanpela nupela kampani ol kolim long Kawa Developmen Koporesen (KDC).

Mista Dadae bin tokim ol nius lain long Lae long las wik olsem dispela kampani em bai mekim wok olsem long tok inglis ol kolim long non profit ogenesesen.

Dispela i min olsem wok blong em ino long wokim profit tasol long lukautim sindaun bilong ol pipel.

Namba wan wok KDC bai mekim em long lukautim ol mani long mekim wok developmen insait long Kabwum Wasu eria.

Mista Dadae i tok olsem pastaim long em bin kisim opis bin gat planti paul pasin bin kamap wantaim ol mani long mekim wok developmen na long dispela as ol pipel ino kisim gut sevis bilong gavman.

Em tok strong olsem em i no laikim bai dispela pasin i kamap gen olsem na long dispela as em i kirapim dispela kampani long kamapim ol menesmen sevis long ol projek insait long ilektoret bilong em.

"KDC bai kamap olsem enjin rum bilong bringim developmen insait long Kabwum eria. Ol man gat save bai go pas long givim menesmen sevis long ol developmen projek we bai kamap.

"Planti mani i lus pinis na ol pipel bilong mi i no kisim sevis na mi no laik bai dispela pasin kamap gen. Ol dona ejensi kain olsem Wol Beng i givim pinis planti mani long mekim wok developmen na mi no laik bai dispela paul pasin kamap gen," Em tok strong.

Sampela wok bilong KDC em;

• Long supavaisim ol kontrekta we bai karimaut ol projek insait long distrik bai ol mas mekim wok gut na mani noken go nating;

• Karimaut ol stadi na wok painimaut long ol projek we ol lida i makim na tu long traime long painim mani long kirapim ol dispela projek; na

• Wokim wok trening long ol ples bai ol pipel inap long kirapim na tu ronim ol liklik bisnis bilong ol.

Mista Dadae long dispela taim tu bin mekim klia olsem dispela nupela kampani i no praiwet bisnis bilong em yet.

Mi olsem memba i wokman blong ol pipel na mi nogat sea insait long dispela kampani. Ol lain husat bai bosim em ol pipel long sios na gavman.

"Bisnis blong mi olsem lidaman em long helpim ol pipel long kirapim bisnis aninit long KDC," em tok.

Em tokaut long ol sampela bikipela projek we em i givim pinis mani long bringim developmen go long ilektoret bilong em.

Yunitek inap lukautim skul bilong nes na sista

LAE Skul ov Nesing (LSON) long dispela wik bin holim wanpela bung long welkamim mak olsem 19 man na meri husat i statim wanpela nupela program bilong wok nes we bai kisim mak olsem tripela krismas.

Dispela bung bin kamap long dispela wik long hap bilong LSON yet na ges spika long dispela taim em bin Vais Sensela bilong Yunivesiti bilong Teknoloji (Yunitek) yet, Misty Baloiloi. Ol arapela lain husat bin kamap long dispela bung em Pro Vais Sensela bilong Yunitek, Dokta Philip Siaguru, Hetmeri bilong LSON Sista Kolish Palanga ol arapela tisa bilong LSON na ol nius lain long Lae Siti.

Long welkam toktok bilong em igo long ol dispela sumatin Sista Palanga tok olsem long pinis blong dispela nupela kos bai ol dispela sumatin i kisim hap pepa ol kolim long

Diploma.

Em tok olsem dispela nupela kos ol kolim long tok inglis "Kompetensi Nesing Diploma Program" bai givim ol dispela lain gutpela skul we bai ol inap long givim gutpela helt sevis go bek long ol pipel.

Em tok moa olsem Yunitek bai go pas long ronim dispela program aninit long plen blong gavman na long dispela as LSON bin singautim ol hetman bilong Yunitek long kam bung wantaim ol long dispela taim.

Mista Baloiloi long welkam toktok bilong em igo long ol sumatin bilong LSON bin givim ol wanpela strongpela hap tok long strongim ol long wok bilong ol.

Em tokim ol olsem maski planti manmeri bai lukdaun long dispela wok bikos pei ino gutpela, ol dispela lain i gat bikipela wok long mekim long helpim kantri na dispela em long lukautim ol sikmanmeri.

"Yupela mas luksave gut olsem yupela gat

bikipela wok long helpim na stretim ol pipel blong dispela kantri na yu mas givim bel na lewa blong yu go long dispela wok," em tok.

"Yu mas mekim 'wok blong yu gut bai bihain taim taim yu pinisim wok blong yu bai yu ken lukluk go bek na pilim olsem tru tumas yu bin mekim gut wok blong yu na yu na ol arapela ken amamas," em tok moa.

Long wankain taim Mista Baloiloi bin tokaut olsem klostu nau bai Edukesen na Helt Dipatmen bai sainim wanpela agrimen we bai lukim LSON i kamap olsem wanpela hap han bilong Yunitek.

Em tok olsem aninit long dispela agrimen bai Yunitek i tekova long edministresen blong skul.

Em tok olsem kamap blong em na wanwok blong em, Dokta Siaguru, i soim olsem tru Yunitek i laik wok klostu na sapotim LSON wantaim dispela nupela program blong ol.

ADB sapotim Daulo distrik wantaim K92,000

JAMES KILA
i raitim

INVESTIMEN bilong Esian Developmen Benk (ADB) long sait bilong agrikalsa insait long Daulo distrik em klostu K92,000.

Dipatmen ov Agrikalsa na Laivstok opisa na PPO bilong Daulo, Ipa Seke i bin tokaut i no long taim i go pinis insait long presentesen seremoni we i lukim ol sevis provaida na ol pis fama insait long Daulo distrik i bin kisim setifiket bilong ol. Dispela bung i bin kemap long Asaro gav-

man stesin.

Dispela sapot bilong ADB i go olsem wanpela kontrak sevis em Smolholda Sapot Sevis Pilot Projek (SSSPP) i kamapim ananit long sapot i kam long Nesanel gavman na lsten Hailans provinsal gavman.

Dispela sapot bilong ADB tu i kirapim intares tru namel long ol manmeri long sait bilong wokim ol liklik fis pond na lukautim pis olsem talapia, kap na ol narapela pis we i ken gro gut long fres wara.

Ol lain Gutiri Pis Famas asosiesen i bin kisim helpim i kam long

SSSPP long karimaut long trening long ol viles manmeri long ol gutpela rot bilong digim baret bilong putim pis na tu long lukautim kiau bilong pis na ol narapela samting olsem.

Insait long dispela kos tripela lain sevis provaida em SSSPP i givim kontrak long givim trening. Ol dispela lain treina em Paul Gehamore, George Gehezo na Norbert Barakove.

Ol dispela lain i bin karimaut trening insait long tripela trening senta em long Gimisave nambawan, Kenitasaro na Wara Bena.



• Mista Jogoro (lephan) na Mista Seke (raithan) i sanap wantaim ol pis fama bilong Daulo husat i soim ol setifiket bilong ol. Foto: JAMES KILA

Gavman mas toktok wantaim papagraun

HILDA WAYNE
i raitim

NESENEL gavman i mas tingting gut na stretim hevi bilong ol papagraun long ol mineral risos provins pastaim long ol i mekim plen bilong go insait iong developim ol mineral risos.

Bipo memba bilong Palamen na Sauten Hailans lida Sir Matiabe Yuwi i givim wanpela tok lukaut olsem gavman i mas stretim ol hevi bilong ol papagraun na harim ol hevi bilong ol pastaim long ol i ken mekim moa wok developim long ol maining eria.

Sir Matiabe i tok nau long dispela taim i gat planii toktok i kamap

long olgeta hap long kantri olsem ol papagraun i wok long rausim na pait wantaim ol gavman opisals husat i stap insait long ol maining eria.

"Bikpela samting em gavman i mas sindaun wantaim ol papagraun long harim hevi bilong ol papagraun pastaim na bihain ol papagraun bai lusim graun bilong ol. Samting i stap insait long graun em bilong gavman tasol antap em raits bilong ol pipel i stap na dispela em gavman i mas tingting gut," Sir Matiabe i tok.

Em i tok planti ol papagraun i no save long wanem samting ol i save mekim long sainim ol kain kain agrimen bilong gavman na maining kampani na bihain ol

i save lusim olsem ol maining kampani i save kisim moa mani na gavman tu i kisim mani long graun bilong ol tasol ol i no save givim mani long ol papagraun.

"Wanem ol samting we i stap insait tru long graun em bilong gavman tasol ol samting olsem kaikai na diwai samting we i stap antap em bilong ol pipel na gavman i mas baim ol pipel long dispela," Sir Matiabe i tok.

Em i tok yet olsem planti ol papagraun nau long dispela taim i gat save long wanem kain samting i save kamap bikos ol i save. Bipo em i nogat planti ol lain i gat save long maining wok na ol i larim tasol nau em i hat bikos planti ol papagraun i klia tru na

ol i save long raits bilong ol.

Sir Matiabe i tok em bai moa gutpela sapos ol papagraun na gavman i bung wantaim long lukluk long dispela samting na helpim wok bilong maining kampani bihain long ol papagraun i wanbel long wanem ol agrimen ol i sainim.

Tupela wik i go pinis sampela gavman opisals i bin go long Kutubu we ol i klostu tru kisim bagarap long han bilong ol papagraun.

Sir Matiabe i tok dispela em ol i wanpela kain pasin we ol papagraun inap long mekim sapos ol i lukim olsem i gat paul na hait pasin i kamap main risos we i stap long graun bilong ol.

Enga sumatin i winim K13,000 skolasip

ESTHER HARO
i raitim

WANPELA fainel yia basela ov famesi sumatin long skul ov medisn na helt saiens long Pot Mosbi em i wina bilong Boucher na Muir skolasip awod.

Dispela sumatin em wanpela yangpela meri bilong Enga provins na dispela em namba tu taim bilong em long kisim dispela awod ken.

Long Tunde dispela wik, Boucher na Muir i tokaut Sambas Mark Kome olsem em wina na ol i givim em ol teks buk na wanpela liklik trofi.

Dispela skolasip we Mrs Kome i kisim em olsem K13,000.

Dispela skolasip we Boucher na Muir i givim, i kavarim skul fi bilong em, ol referens meterial na skul buk, K2,300 long ol ea fes igo long home provins bilong em, K2,000 bilong ol projek bilong em long fainal yia, aninit long skolasip em ken yusim leptop komputa, opis intanet, printin na fotokpi masin long opis bilong Boucher na Muir long Waigani na K4,000 i kavarim kos bilong ea fes, akomodesen na ol mani em

bai spendim insait long wan wik wok ekspriens wantaim Boucher na Muir kampani long Sydney, Australia.

Eksekutiv din bilong Skul ov Medisin na Helt Saiens, Profesa Mathias Sapuri i tok dispela skolasip we Boucher na Muir i givim, i winim ol arapela skolasip we ol anda-gretuet sumatin i save winim. Profesa Sapuri i tok ol gavman skolasip ino bikpela tumas olsem na ol papa mama i save kisim taim long peim skul fi na ol arapela ekspens bilong pikinini bilong ol.

Dispela em i no pes taim we Mrs Kome i winim dispela awod.

Em bin winim yia 4 skolasip long 2002, bilong nambawan sumatin long yia 3 klas bilong em na long las yia em topim ken yia 4 klas bilong em.

I bin gat planti hevi long provins bilong em yet, tasol tru long sapot na helpim bilong man bilong em, Mrs Kome i bin stadi hat na mekim gut long skul wok bilong em.

Taim Wantok niuspepa i askim em long hau em bin kisim dispela skolasip, Mrs Kome bin tok sapos wanpela i wok hat long skul na givim olgeta efof i go long

skul wok ol i nap long kisim kain awod.

Dispela kampani Boucher na Muir husat i givim awod, i save saplaim ol marasin na ol helt ikwipmen long gavman bilong PNG na ol arapela Saut Pasifik kantri long las 40 yias.

Long 4-pela yia ago pinis, kampani ya i distributim ova 32,000 medikel kit insait long Papua Niugini.

Jamie Soper husat i prodak na maketin meneisa ov Boucher na Muir Grup insait long Australia i tok olsem em wok bilong ol bisinis husat i opareit insait long kantri long givim gutpela helpim long ol trenin na provaidim helt nids bilong ol pipol.

"Mi bilip olsem best aset bilong PNG em ol pipol, ino oil, ges o gol na i feda edukenes em ki long developim dispela aset," em tok.

"Mipela laikim olsem ol sumatin i mas gat sans long mekim gut long fainel yia in-haus stadi bilong ol, ol i mas gat fandin long karim aut ol projek bilong ol na oli mas save gut long wok rile-sensip bilong dispela kampani we i save saplaim planti ol drag na marasin wantaim ol ikwipmen igo long helt dipatmen."



Voluntary Service Overseas
Programme Officer

VSO is an international development agency sending volunteers to work in developing countries in order to share skills and build capabilities. We are presently looking for a Programme Officer to work in our Madang Office.

Duties:-

You will have responsibility for developing the programme, identifying suitable placements, negotiating acceptable terms with local partners and supporting volunteers throughout their placement.

Experience and Skills:-

It is essential that the candidate should be educated to University Level, have excellent verbal and written presentational skills in English, be computer literate and have strong organisational abilities. First class administrative skills are essential along with the capacity to travel extensively and to work as an effective team member. Self-motivated, culturally sensitive and preferably with some experience in overseas development work, you'll need a robust personality and a high level of emotional stamina. It is desirable that the candidate has some management or supervisory experience, a full driving license and knowledge of development issues.

VSO offers a competitive salary, accommodation, other benefits and a friendly working environment. Interested persons should forward a copy of their CV, qualifications and a written application to:

The Programme Support & Systems Manager
Voluntary Service Overseas
PO Box 1061
Madang
Email: vsopng@vsoint.org

Applications should reach VSO before Monday 7th April 2003
Interviews will take place during the second week of April. Travel and accommodation costs for the first interview will have to be covered by the applicant.

Previous applicants for this position need not apply

Bogenvil kisim helpim long strongim ol komyuniti

WOK bilong kamapim na strongim pis insait long Bogenvil i kisim planti ol developmes ajensi o lain i save givim helpim, long lukluk long ol komyuniti insait long provins.

Nau wantaim wok bilong pis na tu wantaim pinis bilong konstitusen bilong kisim atonomes gavman, dispela em i traipela samting long bringim peace tru i kam insait long provins.

Long hariapim ol dispela wok na tu bikos

ALISON ANIS i raitim

long wei bilong Bogenvil long pinisim ol wari bilong woa insait long provins, ol lain i save givim helpim, olsem AusAID, Yuropean Yunion, Unaited Nesens Developmen Program, Niu Silan gavman, Yunaited Nesens Obseva program na ol arapela husat helpim bilong ol i save kam olgeta taim.

Bihain long samting olsem 8 pela year long dispela woa i kamap long Bogenvil, ol pipel bilong Bogenvil i tingting strong long kamapim pis. Bikos long dispela tasol na ol i kirap long pen an wanem samting ol lusim long taim bilong woa long kamapim gen wanem samting ol i bin lusim long taim bilong woa. Atonomi o indipendens in strongpela yet long head bilong ol Bogenvil.

Yunaited Nesens Developmen Program (UNDP) is lukluk strong long helpim

kamapim strong gen ol komyuniti husat sindaun bilong ol i bin bagarap long taim bilong woa.

UNDP i wok long helpim ol liklik komyuniti insait long Bogenvil long kamapim gen bel isi wantiam ol arapela na ol i toktok gut gen olsem bipo long woa.

"Bogenvil em i bikpela stret ananit long ol program bilong mipela," residen ripresentativ bilong UNDP Harumi Sakaguchi.

Asembli amamas long ol nupela bot memba

MAN i makim yut long Nu Ailan Provinsel Asembli i tok amamas long makim bilong nupela bot memba bilong Nu Ailan Developmen Koporesen.

Eli Tolshmael i bin wokim dispela toktok i bin tok ol bin wetim nupela bod i kamap long longpela taim na nau ol i wokim dispela long rait taim na raitpela ples bilong lukautim intres bilong ol pipel bilong ol Nu Ailan pipel.

Em i tok ol pipel bilong Nu Ailan i bin kisim hatpela taim stret bikos foma menesmen i no bin gutpela, maski ol savelain i gat gutpela skul tasol intres bilong ol i narakain i stap insait long en.

"Ol nupela bot memba i kisim i kam wantaim ol nupela save, luksave na bikpela ekspiriens. Em ol dispela pipel bai wok patna wantaim gavman bilong lan Ling-Stuckey na Rabana long kisim ol sevis i go long ol Nu Ailan pipel," Mista Tolshmael i tok.

Em i bin tok dispela em i stat bilong ol gutpela samting we provins bai kisim bikos gavman bilong Ling-Stuckey i gat strongpela tingting long skruim ol wok developmen insait long faivpela yia i kam.

Syd Yates em i siaman bilong nupela bod na Elias Salot em deputi siaman. Ol arapela bot memba em long Robinson Sirambat, Walter Schnaubelt, Ben Lubini, Richard Wong, Pedi Anis, Peter Lung na Steven Madana.



• Wapela truck em wapela ward i kisim aninit long dispela PIP Program.

Taim kilok bai monitaim ol pablik sevan

OL LAIN pablik sevan wantaim Nu Ailan Provinsel Gavman bai ino inap long kisim pe taim ol i no kamap long wok bikos bai i gat kilok i monitaim ol.

Dispela em long taim kilok we ol bai putim

long Nu Ailan Provinsel Hetkota Provinsel Asembli eri.

Gavana lan Ling-Stuckey i bin tokaut long dispela insait long wanpela bung wantaim komyuniti na ol wod lida bilong wes kos

Kara/Nalik eria bilong Kavieng las Mande.

Mista Ling-Stuckey i bin tok ol bin baim kilok long K6,000.

Em i tok kilok ya bai wok gut sapos ol lain i yusim na lukautim gut.

Gavana i bin toktok

long dispela samting wantaim Provinsel Etnministreta Robinson Sirambat husat i bin amamas olsem ol opisa i laik yusim dispela taim kilok long monitaim wok taim bilong ol.

PIP Program wok gut

PABLIK Invesmen program bilong Nu Ailan Provinsel Gavman i wok long go gut na ol sevis i wok long go tu long ol komyuniti i stap longwe long taun.

Em ol dispela eria we long pastaim, ol i no save kisim gut ol gavman sevis.

Gavana na Fainens Siaman lan Ling-Stuckey i bin tok oraitim tu si (solwara) trenspot program bilong dispela yia na em i katim K400 bilong dispela rot bilong trenspot long dispela yia.

Opis bilong gavana i bin tok oraitim tu wara saplai program long ol Tuffa tengwara i go putim long ol ples we ol i putim askim long en.

Long nau, ol i wok long karim ol dispela grinpela tengwara long Boluminski Haiwe.

Anir ailan i bin kisim 54 tuffa tengwara i go long saplaia long Lae. Em long KK Kingston kampani.

Ol i tok oraitim tu long givim K100,000 bilong Painim Kapa projek mani ol bin askim long en bilong karimaut projek.

Ol pipel bilong Lavongai i bai kisim tu K60,000 we ol bin askim long en bilong karimaut Lavongai Intagretet Projek.


Memba bilong Kavieng Martin Aini na presiden bilong Lavongai LIG Akim Lailai bai go het long lukim olsem dispela projek i go het.

Tubal em nupela etministreta bilong Is Nu Briten provins

IS NU Briten i gat nupela Provinsel Etnministreta. Em long Akuila Tuba husat i bin Ekting Provinsel etministreta pastaim.

Mista Tubal husat i gat 45 kris-mas i kam long ples Karavi klostu long Kokopo insait long Is Nu Briten yet. Em bin pinisim skul long Yunivesiti bilong PNG wantaim Basela ov Ats digri. Em i kisim ples bilong Hosea Turbarat husat i bin risain long wok olsem provinsel etministreta long Ogas las yia.

Memba bilong Gesel na Minista bilong Plening na Implimentesen Sinai Brown taim em i tok welkam long makim



• Aquila Tubal.

nupela etministreta i tok Mista Tubal em i saveman long wok etministresen bikos taim em (Mista Brown) i bin prima, Mista

Tubal i bin deputi etministreta. Na em i bin askim ol pablik sevan long wok klostu wantaim Mista Tubal bilong bringim gut ol sevis i go long ol pipel.

Mista Brown i tok nau dispela posisen i bin stap nating long sampela taim em Mista Tubal i holim nau, em i bilip olsem ol wok we i bin slek long dispela eria bai kamap gut.

"Olsem ka i kisim bek draiva bilong em long muv i go fowed, em i wankain long etministresen na ol han bilong provinsel etministresen long muv i go tu wantaim na skruim ol wok na provins i ken go het.

Opis bilong Gavana bai muv i go long Namatanai

DISISEN i kamap pinis long muvim opis bilong Nu Ailan Gavana i go long Namatanai taun.

Gavana lan Ling-Stuckey i bin wokim dispela disisen long bekim askim bilong ol Namatanai pipel husat i bin askim long serim pawa, moa yet long sait bilong etministresen, na ol tok sut olsem Namatanai gavman i no wok gut

bikos i gat wok paul (korapsen na mismenesmen) i kamap.

Mista Ling-Stuckey i tok ol i mas sekim na givim trening gen long ol pablik sevan long Namatanai taun long givim gutpela sevis na tu long sait bilong fainens.

Em i bin tok em i longpela taim nau, ol pablik sevan bilong Namatanai

taun i no save wok gut tasol bikos long komyunikesen i no gutpela tumas na bikos provinsel etministresen na provinsel gavman i stap longwe long Kavieng taun.

Gavana i tok em i painim pinis haus we opis bilong em bai stap long en. Tasol Provinsel Woks Dipatmen bai i mas givim tok orait pastaim.

Hagita hai i redi long kamap sekenderi skul

SEKRET Hat Hai Skul (Hagita) long Alotau i wok long kism ol nupela senis we ol nupela bilding i wok long go antap bipo long mun Novemba taim ol senis long hai skul i go long sekenderi skul.

Dispela skul em namba tri skul we bai senis long hai skul igo long sekenderi.

Ol skul we i bin go pas long kism dispela senis em Cameron Sekenderi skul long 1995 na Holi Nem Grema long 2002.

AusAID i givim K10.94

milien helpim mani long dispela projek aninit long PNG Insektiv Fan.

Projek kondineta, Alfred Alesana bin tok skul ya bai kamap wanpela namba wan sekendri skul long kantri bikos long ol gutpela ol meteriel ol i kism long Australia long mekim ol dispela wok senis.

Wok konstraksen i wok long ron gut long nupela dometri bilong ol gret 11 na 12 man na meri, long ol nupela klasrum, 3-pela nupela saiens labotri bilong ol subjek olsem baioloji, kemistri na fisiks na tu long

nupela laibri o haus buk.

Ol i wok long karim aut konstraksen wok tu long 6-pela klinikel bedrum na dabol stori risos bilding.

Dispela ol nupela gret 11 na 12 dometri we ol i wok long bildim em inap long holim wan handret sumatin.

Wok konstraksen tu i stat pinis long bildim 16 nupela haus bilong ol tisa na tu wok i stat pinis long ol sia na tebol bilong 210 gret 11 sumatin.

Kumagai Gumi i winim kontrak long mekim dispela wok bilong skul.



Amamasim bikpela de... • Stanley Kulunga, Simo Kendy na Peter Laka i bung long kism digri bilong ol long Mosbi las wik. Foto: HILDA WAYNE

Klinik ken karimaut TB tes

OL TUBAKULOSIS (TB) sikmanmeri insait long Nesenel Kepitel Distrik (NCD) i gat sans long karim aut spet tes long ol taun klinik.

Pastaim olgeta siklain i save go long Pot Mosbi jenerel hospitel long mekim dispela tes.

Ol wok manmeri bilong helt i tokaut l ong dispela long Wol Tubakulosis de selebresen long Gerehu klinik long Mande long dispela wik.

Tim bilong dispela yia em "Mi winim TB tru long DOTS na yu tu ken mekim wankain."

Wanpela klinik we bai karim aut sputum test o sekim ol spet bilong ol TB manmeri em Gerehu klinik we i wokim long kism moa long 300 TB sik manmeri.

Wol Helt Ogenaisesen (WHO) medikel opisa, Dr Erwin Cooreman i tok olsem ol i opim pinis ol maikroskopik senta long 4-pela klinik na dispela ol klinik em Gerehu, 6 mail, 9 mail na St Teris.

Dokta Coormen tok nau ol manmeri husat i ting ol i gat TB i gat gutpela rot nau long mekim spet test long ol klinik long painimaut sapos ol i gat TB o nogat.

Em tok sentrel pablik helt leboetri yunit i wok long karimaut trening bilong ol laboratri staf insait long kantri.

Wol TB de selebresen long dispela yia i mekim ol wok redi bilong dispela selebresen.

Moa long 90 pesen bilong ol sik lain ken winim sik TB aninit long Dairektri Observed Tritmen Sot Kos (DOTS) program.

Dokta Coormen i tok nau olsem yumi gat dispela gutpela helpim bilong TB tru long DOTS, olgeta man meri i mas givim sapot long dispela kempein long kamapim dispela 90 pesen taget.

Em tok ol arapela kantri insait long Western Pasifik rijon i winim pinis dispela 90 pesen mak tasol PNG em ino yet long kamap bungim dispela mak.

Taim yumi sekim ol siklain, yumi ken stopim dispela sik long go aut.

Dokta Coormen tok luku bilong em nau em long strongim wok, strongim wok bung, wok bilong PNG gavman na ol patna ejensi long kontrolim TB.

NCD DOTS menesa, Dokta Joe Bana Koiri i tok TB i wanpela bikpela hevi insait long NCD we moa long 3,000 pipol i gat TB.

Em tok 30 pesen bilong ol HIV/AIDS siklain insait long NCD i gat TB.

Ol arapela kain TB i no inap kalap igo long arapela tasol TB bilong lang i wanpela bikpela wari.

"Ol pipel husat i wok long kus longpela taim na i wok long lusim skin i mas go long ol maikroskopik senta long ol klinik long karim aut spet tes," Dokta Bana Koiri i tok.

"Ol lain i gat TB sik i noken go long Pot Mosbi jenerel hausik bikos dispela ol sevis i nau stop long ol klinik we i stap klostu long/wanem hap ol i stap na wok."

Dokta Bana Koiri i tok i gat gutpela nius olsem i gat TB marasin tru long DOTS.

Dispela ol TB tes em fri long olgeta helt senta. "Yumi mas gat bikpela wari long TB long wanem sapos wanpela memba insait long femili i gat TB dispela i ken bagarapim ol arapela femili memba tu.

"Olsem na yumi olsem wanpela komyuniti i mas wok bung wantaim long pait egensim TB," Dokta Bana Koiri i tok.

Dring



Na Winim Wanpela FRI T-Shirt na CAP!!



Rul bilong winim prais...

1) Baim ol Kodiol (Painapol, Orange na Rasberi) long ol stua, na rausim ol wanwan lebol.


2) Raitim nem na adres bilong yu insait long kupon daunbilo na katim dispela kupon na putim long envelop wantaim ol lebo bilong ol Kodiol na salim i kam long WANTOK NIUSPEPA long adres:

Word Publishing Company
P.O Box 1982, Boroko, NCD
Papua New Guinea

3) Noken salim ol potokopi bilong pepa i kam.

4) Dispela resis bai go het i go inap (12) wiks long givim sans long ol manmeri i winim prais. Bilain long namba 12-pela wik Wantok niuspepa bai putim tok-save long husat bai winim ol dispela YUMI KODIAL T-SHIRT na CAPS prais.

Salim moa entri, yu gat planti sans long winim T-Shirt na Cap!!



FUN FRUIT FLAVOURS

YUMI Raspberry, Orange and Pineapple available in 500ml and 1 Litre.

WORD PUBLISHING COMPANY
P.O. BOX 1982
BOROKO, N.C.D
PH: 3252500
FAX: 325 2579

PUTIM NEM NA ADRES BILONG YU LONG HIA

NEM
ADRES.....KRISMAS.....

Liklik meri kisim bagarap long Amerika na Irak woa

WANTOK
MOLTO
TANA
Mas 27, 2003

Maa stori long pes 11 na 12



**Ritim
ol sid
nus**
pes 10

**Ol pait
long
Irak**
pes 11-12

**Painim
pen-pren
long PNG**
pes 13

**Tok pilai
wantaim
Kanage**
pes 19


**Lukim
komplen na
wari bilong
ol manmeri**
pes 20

BNBM

Available from: **BNBM HARDWARE**

■ Port Moresby: Ph: 325 1135
Fax: 325 7393
■ Lae: Ph: 472 6966
Fax: 472 6968
■ Kokopo Ph: 982 9580
Fax: 982 9581

Sorry for kept you waiting, New stock Available now!!




**One Year
Parts
Warranty**

Window type
KC25 9,000 btu
K650 +VAT
KC51 18,000 btu
K1,050 +VAT



Split Type

KF25 9,000 btu
K1,100 + VAT
KF35 12,000 btu
K1,380 + VAT
KF45 18,000 btu
K1,830 + VAT
New KF51 2,200 btu
K1938 + VAT
New KF58 24,000 btu
K2,138 + VAT



TOKTOK NATING

wantaim

Fr Paul Liwun SVD



NAMBA tu Sande bilong Len olgeta yia ol Katolik manmeri bilong PNG na Solomon Ailan i wokim spesel lotu bilong tingim ol trangu long olgeta hap bilng graun.

Long karim hevi wantaim ol trangu, yumi no tingim na pre long helpim ol tasol, nogat. Sios i askim yumi long givim helpim long ol wantaim wanpela spesel koleksen ol i kolim long Trangu Koleksen. Wan wan peris i bungim dispela koleksen na givim i go long Caritas PNG bai Caritas PNG i serim long ol manmeri i nidim long en.

Trangu em husat?
Tupela yia i go pinis, mi bin tokim ol Katolik manmeri olsem i gat tupela kain trangu i stap long kantri bilong yumi. Namba wan em grup mi kolim long Factory made Trangu.

Em ol manmeri i stap trangu taim mama i karim ol olsem ol lain i stap long Cheshire Hom long Hohola. Sampela i kamap trangu bikos ol i bin bungim disasta olsem bikpela guria na bagarapim ples, maunten i pairap, bikpela woa i kamap na ol i lusimas ples na stap long narapela ples olsem refuji.

Namba tu grup bilong trangu mi kolim long Home made Trangu. Dispela lain em ol konman i save kam long wan wan haus na mekim giaman stori long trikim yumi na askim helpim long kaikai o mani samting.

Husat bai yu helpim?
Wanpela poro bilong mi em wanpela Sista i mekim wok misinari long Filipins. Em i bin salim wanpela stori em i bin bungim long ples ol i save tromoim ol rabis bilong siti. Dispela ples em ol i kolim long Smoky Mountain. Bihain long wanpela bikpela ren i bin bagarapim haus, gaden na olgeta samting long Smoky Mountain, Sista i bin joinim wanpela grup i go long mekim wok helpim manmeri long ples i bin bagarap long en.

Em i bin bungim wanpela liklik meri as nating i sanap long fran bilong haus bilong em. Dispela haus i nogat wol o ruf moa bikos ren i bin bagarapim olgeta. Pos bilong haus tasol i sanap i stap yet. Sista i kamap klostu long liklik meri na i askim em olsem: "mama bilong mi yu stap we?" Liklik meri i no mekim wanpela tok. Em i sanap na lukluk tasol long ai bilong Sista. Em i nogat hop long laip moa. Papa na mama bioong em i bin lus insait long tait bilong ren. Em i nogat narapela samting moa. I gat wanpela samting i stap wantaim em yet. Em i haus i nogat ruf na wol.

Sista i pilim bikpela sori stret insait long dispela ekspirien em i bin bungim long en. Em i harim klia stret tok bilong Jisas. "Mi kam bai yu kisim gutpela laip." Dispela liklik meri bai kisim gutpela laip tu, a? Wanem kain gutpela laip bilong em?

Na Sista i raitim, "Long sarap bilong em, liklik meri i bin tokim min olsem, "mi nidim han bilong yu. Mi nidim helpim bilong yu."

Sista ya i bin askim strong long Jisas olsem: "Jisas yu kam long bringim gutpela lip long dispela trangu liklik meri tu o nogat? Wanem samting bai mi mekim nau?" Dispela ekspirien i bin helpim Sista long tanim bel na spendim planti taim moa long stap wantaim ol trangu long Smoky Mountain. Em i mekim wok na helpim ol long kamapim gutpela sindaun bilong ol.

(***) :I gat planti Factory made Trangu i stap nabaut long yumi. Ol i nidim han bilong yu olsem dispela liklik meri.

(***) :Yumi tenkim God long givim yumi gutpela helt na gutpela han. Jisas i nidim dispela han bilong yu long helpim ol trangu. Yu bai soim mari-mari na gutpela lukaut bilong God long ol.

PNGCC egensim pait long Irak

GUTPELA pasin bilong sindaun na toktok na i no pasin bilong pait em i rot bilong stapim ol bikpela hevi moa i kamap, Papua Niugini Kaunsil ov Sios (PNGCC) i tok.

Jenerel Seketeri Sophia Gegeyo i makim maus bilong PNGCC i putim apil o askim i go long ol Kristen manmeri insait long kantri bilong noken sapotim woa Amerika i kamapim long Irak.

Misis Gegeyo i askim ol PNG Kristen manmeri long sapotim ol sios lida long go egensim wo.

"Ol mamba sios bilong PNGCC i apil long olgeta Kristen manmeri long PNG long noken sapotim woa tasol long go het na sapotim sios i tok nogat long woa. Dispela em bai mekim ol UN Sekyuriti Kaunsil na Dairekta bilong Yunaitet Nesens opis long Irak i luksave olsem bikpela

sapot i stap long wol bilong traime stretim hevi long gutpela rot na i no long pasin bilong pait long kamapim gutpela wol i seif na i gat jstis," Misis Gegeyo i tok.

Em i tok tu olsem ol PNGCC mamba sios i go het long singautim Amerik na ol pren kantri i karimat dispela woa long Irak bilong long noken go hetim pait long Irak sapos Yunaitet Nesens i no givim nmba tu tok orait bilong

em. "Sapos woa i kamap, em bai kamapim planti hevi na bagarap long ol pipel bilong Iraq. Ikonomi o wok mani na pipel bilong yumi bai karima hevi," Misis Gegeyo i bin tok.

Em i askim ol Kristen manmeri long PNG bilong prea strong long gutpel sindaun long wol.

"Ol toktok, ol samting mipela i mekim na ol prea bilong mipela i ken kamapim gutpela samting," em bin tok.

Tanim Gutnius long tokples i bikpela samting

AARON GUNBI i raitim

LONG Gutnius mesej i go long ol pipel gut, i moabeta long yusim tokples stret bilong ol pipel. Wok bilong tanim toktok em i bikpela samting na Baibel Sosaiti i save mekim dispela kain wok.

Baibel Sosaiti bilong PNG i bin holim anuel jenerel miting bilong ol long Mas 16. Miting i bin stat wantaim wanpela sios sevis we i bin kamap long Koki Salvesen Ami sios. Na bihain ol i bin muv i go long Baibel haus long Koki.

Insait long sevis long salvesen Ami sios, Siaman bilong PNG Baibel Sosaiti na papa bilong Henao Loyas ol kampani Loani Henao i tokim kongriksen olsem Baibel Sosaiti em i no

wanpela sios. Ol lain i makim wan wan sios i stap insait long Baibel Sosaiti. Ol bin kirapim dispela oge-naisesen long Inglan bilong bringim tok o mesej bilong Bikpela i go long ol pipel, Mista Henao i bin tok.

Em bin tok Baibel Sosaiti insait long PNG i gat wok long tanim gut ol Gutnius i go long ol wan wan tokples na prinim ol.

Baibel Sosaiti i bin helpim tu ol pipel bilong Wes Nu Briten we Maun Pago na Bogenvil taim em bin salim ol Baibel buk i go fri long ol pipel na skul. Ol PNGCC mamba we i gat long em ol lain i makim Engliken, Katolik, Yunaitet, Luteran na Ewanjelikal Alaiens i bin stap long dispela miting. Tripela sumatin bilong Katolik Tiolojikel Institut long Bomana i bin stap long dispela bung.



Amamasim bikpela • Ol yangpela bilong Erima peris i bung wantaim long litimapim nem bilong bikpela long singsing.

Reveren Lowa na Meja Kala stap bek long PNGCC

MODERETA bilong Yunaitet Sios bilong PNG Reveren Samson Lowa i kisim bek wok olsem Presiden bilong PNG Kaunsil bilong Sios (PNGCC). Na Meja Andrew Kala bilong Salvesen Ami i kisim bek gen wok olsem Vais Presiden.

Jenerel Seketeri bilong PNGCC Sophia Gegeyo i bin tokaut long dispela nius long las wik Fonde.

Em i tok ol sios lida i bin makim tupela bikman ya long stap bek long wok bilong ol insait long Asembli bung bilong ol long Motupore Ailan klostu tasol long Mosbi long pinis bilong las mun.

Deputi Praim Minista Allan Marat i bin stap tu long dispela wanpela de bung na em bin toktok long Ikonmik Empawamen o Strongim wok Ikonomi em i wanpela wok bilong ol Kristen.

Jenerel seketeri bilong Nesene Kaunsil bilong ol sios long Australia Reveren John Henderson husat i bin spesei ges long dispela bung i bin toktok long gutpela sindaun (peace), humen sekyuriti o sekyuriti bilong ol manmeri na globalisesen o ol kantri na pipel long wol i wok bung wantaim.

Ol arapela ges em Dokta Reveren David Willis husat i kisim ples bilong Nunsio Asbisop Adolpho Tito Yllana. Dokta Willis i bin toktok long pis o gutpela sindaun, jastis o luksave long ol arapela olsem ol i gat wankain rait olsem yu yet na luksave long ol samting we God i wokim insait long dispela graun.

Ol arapela ges em long David Hook bilong AusAID Australia long Kenbera, Mark Hobson em Pasifik Progem opisa long NCCA.

Misis Gegeyo i bin tok em bin gutpela stret long witnesim ol wan wan sios i sea na felosip wantaim taim ol i toktok long ol bikpela samting i karamapim kantri na long wankain taim tu, salensim ol mamba sios long wanem mining em long kamap olsem sios na wok bilong ol sios, moa yet long dispela taim bilong bikpela salens.

Liklik Kristen Komyuniti strongim bilip

LIKLIK Kristen Komyuniti (LLK) i wok long strongim wok prea insait long ol ples, famili na komyuniti long strongim bilip bilong ol

LLK em i prea grup bilong ol wan wan ples insait long Katolik Sios.

Sampela lain i no klia long mining, as na wok bilong LLK.

Ol mamba bilong LLK i save mekim disisen bilong ol yet long kamap mamba. I nogat otometik membasip. Na i gat ol LLK komyuniti long sampela ol peris long ol Katolik Daosis long PNG.

Orait, long wan wan wik, ol mamba bilong LLK i save bung wantaim long serim Gutnius na prea wantaim na Gutnius ol i serim i mas karim kaikai. Na Gutnius i mas

senisim laip bilong ol.

Taim Jisas i stap laip yet long graun, em bin mekim wok bilong em na wokim dispela tok piksa long wanpela man i wokim haus bilong em long ples ston nating na bihain bikpela win na ren i kamap na i seksekim haus.

Tasol em i no pundaun bikos simen bilong dispela haus i pas strong tru long bikpela ston insait long graun.

Tasol Jisas i tok husat man i harim dispela tok na i no bihainim, em i olsem wanpela longlong man husat i sanapim haus bilong em antap long wesana na taim ren na win na taitwara i kam, em i seksekim haus na em i pundaun. (Mt 7:24-27)

Gutnius i mas go aut long

famili, komyuniti na ples.

Sande i mas kamap de bilong lotu bilong famili.

Rispek o luksave long ol brata na susa i mas kamap na gro. Pasin sekan i mas winim tingting long bekim rong.

Ol LLK i save prea na holim tu ol miting bilong ol we ol i save makim taim bilong mekim komyuniti wok long helpim komyuniti.

I moabeta long ol LLK i wok wantaim na i no helpim hap bilong ol tasol, komyuniti wantaim.

Insait long wan wan mun, katekis i mas bungim ol manmeri i go pas long ol LLK grup long kisim ripot long wok bilong ol. Katekis bai givim spirituwul skul na ol bai

strongim gro long dispela sait.

Long olgeta tripela mun, peris pris i singautim ol lida bilong olgeta grup long peris na bai wok i go olsem tasol.

Bai ol grup i ken luksave olsem ol i wok insait long peris na ol i hap bilong peris na ol i hap bilong sios. Na ripot bilong wan wan grup i ken strongim ol arapela grup na bai ol i luksave olsem narapela grup tu i bungim hevi tasol ol i no givap.

Long ol bung, ol i ken autim ol wari na traim painim rot bilong helpim wok bilong grup na grup i wok long peris na isi isis Tok bilong God bai go insait long olgeta wok bilong peris.

Stori i kam long Tutul niusleta bilong Asdaosis bilong Rabaul.



GUTPELA TINGTING I TOK LONG WOK EM I SAVE MEKIM

Gutpela na stretpela tingting i olsem wanpela meri i sanap na singautim yumi.

Em i sanap long ples maunten klostu long rot na long ol rot bung. Na em i sanap klostu long ol dua bilong ol bikpela banis bilong taun, na i wok long singaut olsem, "Mi singaut long yupela olgeta manmeri. Yupela man i no gat save, yupela kam na kisim save. Yupela man i nogat tingting, yupel kisim gutpela tingting. Putim yau gut long gutpela na stretpela tok mi laik givim yupela. Oltaim mi save autim tok i tru tasol, na mi no laik tru long olkain tok nogut. Olgeta tok bilong mi i stretpela tasol. Mi no inap mekim wanpela tok giaman. As bilong dispela tok i klia tumas long man i gat gutpela tingting na save, na ol i save dispela tok i stret olgeta.

GUTPELA SINDAUN 8:1-9




• Wanpela ami opisa bilong Amerika i stap redi long pait long Irak. Lukim long het bilong em wanpela vidio kemara i stap bilong soim wanem hap em i go.

• Namel: Laikim moa wara . . . Wanpela ami bilong Irak i givim em yet i go long han bilong ol ami bilong Ingran na Amerika husat i wok long givim em wara.

• Aninit: Bomim Irak . . . Ol pales bilong Saddam Hussein i paia na i gat tok olsem em i mas dai long dispela. Hia em soim smok i kamap long Pales bilong em we em i save hait i stap na laik bekim bek ol ami bilong Amerika.

Ol foto: The Courier-Mail na The Weekend Australian.



• Lus long woa . . . Sampela ami bilong Ingran na Amerika i dai long dispela helikopta long Irak. 8-pela em ol ami bilong Ingran na foapela bilong Amerika. (Raithan), Kisim bagarap . . . Lukim wanpela ami bilong Amerika i kisim bagarap long bom we ol Irak birua i haitim. Ol wan soldia bilong em i traim long helpim em long bringim em i go long kisim helpim hariap.

Amerika soldia bomim ol lain bilong em yet

IRAK: Wanpela bikpela samting tru i kamap namel long ami kem bilong ol Amerikan ami long Irak we planti i no ting bai kamap. Wanpela ami bilong ol yet i kirap kisim wanpela strongpela han grened na bagarapim ol wan lain bilong em yet. Man ya em wanpela ami opisa bilong Amerika yet tasol em i kirap i laik kilim ol lain bilong em yet i dai long wanpela kem bilong ol long Irak.

Em i no klia bilong wanem as na man ya i laik kilim ol lain bilong em yet i dai tasol bikpela bagarap tru em i bin kamapim.

Taim man ya i tromoi han grened i

go insait long kem, 13 ami opisa i kisim bikpela bagarap tru na long dispela namba 6-pela i stap long bikpela bagarap nogut tru na klostu bai ol i dai.

Planti lain long wol na ol bik lain bilong ami yet i paul nogut tru bilong wanem na dispela samting i kamap na i gat moa askim i wok long kamap.

Nau long dispela taim ol i holimpasim man ya long kalabus na askim em planti askim long kisim tingting bilong em long wanem as tru na em i laik bagarapim ol lain pipel bilong em yet.

Amerika ami go insait long Irak

IRAK: Woa long Irak i stat pinis na i gat planti ripot i kamap olsem ol Amerikan na Britis ami i wok long go insait bilong bik siti bilong Irak na ol i wok long kisim ples na traim long pinisim lida Saddam Hussein.

Bikpela pait tru i wok long kamap long sampela siti bilong Irak na maski ol ami long wol i go insait long Irak tasol long sampela siti ol pipel i kisim gan na statim strongpela pait long bekim ami bilong

Ingran, Amerika na Australia.

Long sampela hap siti i gat ol ami bilong Amerika i go insait pinis na kisim olgeta ples. Sampela pipel i amas na moa yet i wok long redi long pait wantaim ol ovasis ami bilong Amerika na wol.

Gavman bilong Irak i givim ol sitisen planti gan tru long ol i ken yusim na pait strong moa yet egensim Amerika.

Sampela lain soldia

bilong Irak i givim ol yet i go long han bilong ol Amerikan ami na moa pipel i wok long toktok long dispela pait long olgeta hap long wol.

Las wiken planti televisen na nius ripot i toktok long ol samting we i wok long kamap nau long Irak.

Planti wol lida i wok long wari olsem dispela woa bai bringim moa hevi i kam long wol na bikpela bruk bai kamap namel long ol kantri na pipel long wol.

Sampela Ingran na Amerika soldia i dai

IRAK: Sampela hevi moa i kamap long Irak namel long ol Amerikan na Britis ami. Dispela hevi i bin kamap taim wanpela ami kem bilong ol Amerikan ami i salim wanpela misail i go tasol abrus na ol i kilim i dai 8-pela ami lain bilong Ingran na foapela bilong Amerika husat i go insait long Irak long helpim pait egensim Saddam Hussein husat i presiden bilong Irak.

Narapela moa hevi i kamap taim wanpela helikopta bilong tupela kantri i laik karim sampela opisals i go long pait long wanpela ami bes long Bagdad nogat wanpela hevi

kamap long helikopta na balus i paia.

Sampela i tok dispela hevi i kamap bikos ol ami bilong Irak yet i sutim dispela helikopta tasol ol bikman bilong Amerikan ami i tok dispela i no tru na ol ami i kisim bagarap bikos long hevi i stap long balus yet.

Moa toktok i kamap yet olsem bilong wanem na hevi i stap long helikopta na ol nius lain i tok dispela hevi i no kamap long han bilong ol Amerikan tasol em i kamap long han bilong ol lain Irak.

Ol bikman bilong Amerikan ami i tok dispela i no tru na ol i wok long toktok yet i stap.

Wanpela Australian nius ripota i dai

BIKPELA pait long Irak i lukim wanpela Australian sitisen i lusim laip bilong em pinis long han bilong ol ami i pait long Irak.

Dispela man husat i dai em wanpela nius ripota husat i go insait long Irak long kisim nius stori bilong bikpela pait we i wok long kamap nau long Irak.

Ol ripot i kam long Irak i tokaut olsem man ya i bin go insait long ples bilong bikpela pait we i wok long kamap na wanpela misail

bomim em na kilim em i dai.

Nau yet olgeta nius ripotas bilong wol i wok long go insait long Irak long mekim wok bilong ol long painim nius tasol ol i go insait wantaim pret bikos ol i no save wanem samting bai kamap long ol.

Dai bilong dispela nius man i bringim bikpela pret moa i kamap long ol nius lain bilong wol husat i stap long Irak tasol moa yet i tok ol bai go insait

long Irak na mekim wok bilong ol long tokim wol long wanem samting we i wok long kamap nau long dispela taim.

Wanpela ami opisa bilong Amerika husat i stap insait long Irak i tokaut olsem ol ami tu i pret long laip bilong ol tasol ol i mas karimaut ol wok bilong ol na dispela tu em wankain long ol nius lain tu husat i stap long Irak nau long dispela taim bilong bikpela pait.

Planti tausen i protes egensim woa long Irak

AMERIKA: Maska woa i stat pinis long Irak tasol bikpela protes i kamap yet long olgeta hap long wol we i lukim planti tausen i protes long Amerika na tok nogat long woa long Irak.

Long ol Arab kantri, ol pipel i wok long lusim mani long baim ol piksa bilong Irak presiden Saddam Hussein na holim i go antap long pes bilong ol na bikpela protes i kamap long Amerika, Australia na Inglan na moa yet long ol kantri long Arab na lurop.

Wanpela bikpela wol lidas i tokaut egensim dispela woa na ol i tok i nogat as tru long wol i kamap na Amerika i rong tumas long mekim woa long Irak.

Nius ripot i kam long Australia i tokaut olsem moa long faiv tausen pipel i holim bikpela protes mas na tok nogat long woa long Irak.

Ol skul sumatin, ol opisa wokas, ol


mama wantaim pikinini na olgeta lain i bung long wanpela bikpela mas long strits bilong Melbon long Australia na ol i tok nogat long woa long Irak.

Planti moa i tok ol i no laikim ol Australian ami i lusim laip bilong ol nating long woa bikos dispela woa i nogat mining long en.

Moa tausen lain long Sidni tu i holim bikpela protes tu na ol i toktok long kamapim bikpela protes yet sapos pait i go het yet.

Long Inglan em wankain hevi tu i kamap na i gat toktok olsem gutpela wokbung tingting namel long Inglan na Amerika i kamap hat liklik bihain long 8-pela ami bilong Inglan i dai long hevi bilong helikopta ol i stap insait long en.

Sampela muvi ektas tu i tokaut strong egensim ol lidas bilong Amerika, Inglan na Australia husat i go pas long woa na ol i tok nogat long woa.



• Moa bom . . . Hia em sampela ami bilong Inglan i wok long mekim save long salim ol bom i go insait long Irak. Lukim moa bom i stap yet na ol i wok yet long salim i go insait long Irak.

• Antap: Nogat long woa . . . Tausen manmeri na pikinini na studen i protes long Amerika na tok nogat long woa long Irak las wiken. Hia em ol i bung long wanpela bik siti bilong Amerika long soim tingting bilong ol long Amerikan gavman.

• Putim ges mask . . . Ol ami bilong Amerika i putim ol ges mask bilong ol pastaim long ol i go insait long Irak bikos ol i pret long kemikal bom bilong Irak. Lukim hia em ol i go insait long Irak long kisim ples Irak na stapim presiden Saddam Hussein.

• Aninit: Sampela studen i protes . . . Lukim sampela yangpela meri studen i sanap na lidim ol pipel long strits bilong Melbon Australia long tok nogat long woa long Irak. Bikpela moa protes i kamap long planti siti long Australia na moa tok-tok i kamap olsem ol Australia pipel i no wanbel olsem ol ami bilong ol bai lusim laip bilong ol long Irak bikos gavman bilong ol i no mekim rait disisen. Ol foto: The Courier-Mail na The Weekend Australian.

Man i mekim protes plen long Bush

DALAS, Australia: Wanpela man husat i save pait na mekim wok long strongim pis o gutpela sindaun namel long ol pipel long wol i baim wanpela haus klostu long presiden bilong Amerika George Bush.

Man ya nem bilong em John Wolf na em i bin mekim sampela bikpela wok tru we i lukim em i laik strongim tru gutpela sindaun long wol.

Mista Wolf i kisim tingting olsem wanpela rot long soim olsem em i egensim tru tingting bilong Mista Bush long statim woa long Irak em long silip klostu long Mista Bush na soim sampela samting long Mista Bush long tingting bilong em.

Mista Wolf i kirap baim wanpela bikpela haus klostu long Dalas em haus silip na ples bilong Mista Bush.

Em i tok em bai i no inap mekim planti nois o brukim boda bilong haus bilong Mista Bush na go insait long haus bilong em tasol em i tok bai em i mekim olgeta wok long traim soim long bikpela pepa na sain we Mista Bush i ken stap long haus bilong em yet na lukim.

Mista Wolf i tok em i mekim plen long bringim planti wan lain olsem em husat i save laik mekim protes long kamapim gutpela sindaun long graun. Em i tok em i no wari long wanem kain skin kala o bilip bilong ol na wanem kantri bilong ol.

Husat lain i gat wankain tingting olsem em long protes long strongim wol pis em haus bilong em long Dalas i bilong ol tu na bai ol i mekim plen long protes long Mista Bush long wanpela isi na gutpela we bihainim lo wantaim.

Tasol mea bilong Dalas taun Robert Campbell i tok em i no inap larim ol dispela lain i holim ol bikpela protes nabaut na sapos ol i laik protes em ol i mas go long bikpela gavman opis.

Em i tok tu olsem dispela em i raits bilong ol pipel yet na ol i ken mekim wanem samting ol i laik tasol ol i mas soim rispek long famili laip bilong Mista Bush.



Meri wari long man na dring posin

HONG KONG: Wanpela meri i save kisim flaua na presen long olgeta wanwan yia long taim bilong Intanesenel Women's De na dispela ol samting em man bilong em yet i save salim i go long meri long soim laikim bilong em long meri ya.

Olgeta taim meri i save kisim ol flaua na presen long opis bilong em na em i save gat bikpela laik tru long man bilong em.

Dispela yia long makim Women's De man ya i plenim gut kain presen em i laik givim long meri na em i no salim i go hariap long opis bilong meri olsem em i save mekim bipo.

Turangu meri i wok long wet i stap long opis na taim em i lukim ples i apinun nau em i kisim bikpela wari olsem man i mas les pinis long em na

em i dring posin na klostu tru em i dai.

Ol wanwok i hariap karim em i go long haus sik na em i kisim marasin.

Samting tru man bilong em i redim planti presen na flaua bilong em na i kukim spesol kaikai bilong em na i stap redi long haus na i laik mekim meri amamas tasol abrus nau meri i kaikai posin.

Meri i stap long haus sik yet na em i lukim olsem man bilong em i mekim bikpela samting tru tasol em i no tok-save long em hariap.

Lewa bilong em i bruk gen long man ya na bikpela sori tru i kamap olsem em i no save gut olsem man i mekim planti gutpela samting na i redi long soim em.



Wok kakao na kopra em bun bilong Is Nu Briten

WOK kakao na kopra em i namba wan samting long yumi insait long Is Nu Briten provins.

Yumi nogat mineral olsem gol, kopa, silva long provins na tu prais bilong kakao na kopra em i bagarap yet tasol nau emi orait liklik.

Minista bilong Plening na memba bilong Gasel Sinai Brown i bin mekim dispela toktok long taim PNGCCRI i bin opim Haibrid Klon kakao.

Em i tok nau em i de we yumi olgeta i selebretim kakao long kamapim gutpela mani i kam long provins na kantri long kirapim na

strong prais bilong wanwan bek kakao.

Yumi mas amamas long dispela wok painimaut o risets we i go pas long kamapim dispela nupela kain kakao bin. Mista Brown i askim olgeta presiden bilong Lokol Level Gavman kaunsil long wok wantaim.

Em i tok taim mipela wok wantaim bai gavman tu i ken lukluk long stretim olgeta rot bilong mekim ol dispela samting i go gut na kisim helpim.

Em i tok risets infomesen em i kamap gut long PNGCCRI na yumi tu i mas sapatim dispela kan wok.

Minista bilong Plening na, Monitoring na Rurel Dvelopmen na memba bilong Gasel Sinai Brown i tokaut tu olsem yumi ol man bilong ples i gat 97 pesen bilong graun yumi i gat na gavman i gat 3 pesen tasol.

Tasol long wol olgeta em graun bilong gavman tasol na em totol len mes, em i tok.

Yumi mas senisim olgeta tingting na save yumi gat na kirapim gutpela sindaun wantaim wok didiman.

Olgeta olupela plentesen em yumi mas katim na rausim na planim nupela gen, Mista Brown i tokaut.

Is Nu Briten makim K5 milien long wok didiman


IS NU Briten provins bai kisim K5 milien long kirapim wok didiman insait long provins.

Gavana bilong Is Nu Briten provins Leo Dion i tokim ol fama long PNGCCRI las wik long openim nupela Kakao haibrid klon we ol saintis i painimaut long kirapim dispela haibrid klon kakao.

Dispela nupela stail kakao em olsem ol saintis i kisim wanpela kakao na kamapim nupela kain kakao.

Em i tok long kamapim dispela projek yumi mas developim ol graun bilong yumi gut na lukautim gut na yumi noken bagarapim.

Gavana Dion i tokaut tu olsem yumi



• Leo Dion

mas baim ol gutpela samting bilong wok wantaim olsem sarep, naip, sawol na arapela moa samting bilong helpim yumi long mekim wok wantaim antap long graun bilong yumi long ples.

Is Nu Briten em namba wan provins we

yumi kirapim wok didiman bihain tasol long seksen wol woa 2.

Wok didiman kamap pas long hia long yia 1939 inap nau long 2003 na yumi go pas yet long wok didiman.

Dispela provins i gat moa kokonas plentesen na kakao plentesen tasol graun i wok long sot, em i tok.

Yumi mas salim moa kago yumi kamapim long hia i go long ovasis maket tasol maket i no kamap gut olsem na mani yumi kisim em i liklik tumas.

Em i tok dai bilong-iai na arapela wok didiman em dai tasol long palamen haus long Waigani.

Gavana Dion i strong tru olesm 80

pesen bilong PNG kakao yumi salim long ovasis maket yumi save isim K204 milien tasol.

Olgeta dispela mani i save go long menesmen input long haibrid kakao produsas long Papua Niugini.


Em i tok Bogenvil em i go pas long wok kakao, Is Nu Briten kam namba tu, Is Sepik provins, Madang na bihainim em Morobe na Popondeta i kam bihainim long wok bilong kakao prodaksen insait long kantri.

Yumi mas kirapim bek wok didiman long provins na bai helpim i ken kam long han bilong Nesanel Gavman, em i tok.



• Mista Jogoro (namel) i redim ol pepa we tripela fis fama, Paul Gehamole (fran), George Gehezo na Norbert Barakove i sanap redi long sainim kontrak long givim trening long pis faming prosek insait long Daulo distrik.

Fis faming projek i kirap long Daulo



• Ben Kiagi.

JAMES KILA
i raitim

ESIAN Dvelopmen Ben (ADB), Nesanel Gavman na Isten Hailans Provincial gavman insait long Smolholda Sapat Sevis Pailot Projek (SSSPP) i givim moa long K5,000 i go long sapatim wok bilong inlen fis faming insait long Daulo distrik long Isten hailans provins.

Las mun tasol ADB insait long SSSPP program i bin stretim ol kontrak pepa na i opim dispela program long sapatim wanpela fis faming projek em ol i kolim Gutiri Fis Faming projek long Daulo distrik.

Memba bilong Daulo Ben Kiagi i bin stap long dispela seremoni bilong opim dispela projek we em i givim bikipela tok amamas igo long ADB na SSSPP long givim luksave long ol liklik fama insait long Daulo distrik na bringim sevis i go daun tru long viles level.

Dispela mani sapat i bin go insait long givim trening i go long tripela fama trena olsem lain bilong givim sevis (Service provider) insait long Isten Hailans provins.

Las mun tasol tripela sevis

provida o fama trena i bin kisim setifiket bilong ol insait long wanpela seremeoni we i bin kamap long Asaro gavman stesin long Daulo distrik.

Dispela tripela man ya em Paul Gehamole, George Gehezo na Nobert Barakove. Dispela kontrak bilong ol bai inap 5-pela mun olgeta na insait long dispela kontrak ol bai go aut na givim skul long rot bilong wokim na stretim ol fis fama insait long ol wod kaunsil bilong ol long Daulo distrik.

Insait long dispela kontra wok Mista Gehezo bai lukautim wod 1 inap long 9, Mista Gehamole bai lukautim wod 10 i go 15 na Norbert Barakove bai lukautim 16 inap 22 insait long ol wod long Daulo distrik.

Asisten Menesa bilong SSCF projek long Isten Hailans provins Joe Jogoro i tok olsem Isten Hailans provins i laki tru long gat kain projek olsem SSCF i stap long luksave long ol liklik wok projek we ol liklik manmeri long ples i laik kirapim.

Gavman i so tlong mani, olsem na liklik ol helpim mipela i givim em long ol lain husat i gat save long wok didiman long go aut na skulim ol narapela manmeri long ples long kain skul olsem, Mista Jogoro i tok.

Yumi olgeta i save olsem nau yet kantri i bungim bikipela hevi long mani na turangu ol man long ples i no inap go long ol bikipela skul long lainim wok bilong fis faming olsem na taim mipela i givim kontrak long ol dispela tripela lain fama trena ya ol bai helpim yupela insait long viles komyuniti level, Mista Jogoro i tok.

Insait long Liklik Bisnis

• Gaden
kakai bilong
kakaruk
• Bisnis long
balsa diwai
pes 15

• Wok
didiman em
bun tru
• Rot bilong
mekim bisnis
pes 16

Taim bilong kopi nau long Hailans

PLANTI ol liklik bisnis olsem buai, salim skon na tu ais-blok i save kamap planti long taim bilong kopi sisen insait long Hailans rijon.

Planti dispela taim ol liklik mameri i save gat mani long poket o paus bilong ol i save pulap taim ol i salim kopi bilong ol.

Narapela samting tu em pasin bilong spak na dring bia na pilai kas tu i save kamap bikipela long taim bilong kopi sisen. Yes kopi sisen em taim bilong mani na ol liklik man bai paitim bros na tok lip bilong kopi i pundaun wantaim seri.

Kopi sisen long Hailans i

save stat long mun Epril em dispela mun i go inap long mun Ogas na Septemba.

Tasol nau yet dispela sisen tu i senis na kopi sampela taim i save karim i go inap long mun Oktoba tu ya.

Yes, nau em kopi sisen na planti ol liklik bisnis bai kirap nabaut. Sapos yu wanpela nupela man husat i no go yet long Hailans, ating bai yu guria stret taim yu lukim ol man i sanap pulap arere long ol rot igo insait long taun. Planti taim ol man i save sanap wantaim skel na holim kalkuleta.

Dispela ol lain em ol i save kolim ol rotsait baiya. Wok

bilong ol em long baim kopi em ol man long ples i karim i kam salim long taun.

Tru tumas olsem stat long mun Epril long planti hap bilong Hailans rijon bilong Papua Niugini em kopi sisen na amamas pasin i save bikipela tru.

Dispela kopi sisen em wanpela taim bilong yia we i save lukim ol bisnis long taun i save amamas bikos ol i save kisim moa mani stret.

Prais bilong ol samting tu i save go antap liklik na ol stok bilong kago long stua i save redi pastaim long kopi i stat.

MPs successfully passed the Constitutional Amendments

Restoring Merit Based Appointment Process for Department Heads and Provincial Administrators.

Transparency International (PNG) Inc. and its Coalition Partners applaud the recent passage of the constitutional amendments aimed at restoring merit based appointment process for department heads and provincial administrators.

This represents a major step forward for the Public Sector Reform Program.

The Somare-Marat Government, the Leader of the Opposition Sir Mekere Morauta, the former Minister for Public Service, Dr Puka Temu, and all MPs who voted for this measure are to be congratulated for their wisdom, courage and foresight.

These Constitutional changes provide the Public Services Commission (PSC) with a more proactive role in the suspension, selection, appointment and dismissal of Departmental Heads, Provincial Administrators and Heads of Public Authorities

"They will ensure that Departmental Heads and Provincial Administrators are appointed on merit and only removed because of a failure to adequately discharge their duties. They will restore much needed pride and professionalism to the public service and bring it stability"

Papua New Guinea has learned from its mistakes. The powers that were removed from the Public Service Commission in 1986 are to be restored. All positions will be advertised, PSC will assess the candidates on merit and will provide a ranked shortlist to NEC from which Cabinet will make an appointment. Minister's will be able to encourage suitable candidates to apply, but they will not be able to insist that they are appointed nor will they be able to insist that the PSC place them on a short-list.

These measures will prevent political appointments and will ensure that Department heads are appointed on merit.

The process of dismissal has also been strengthened. Dismissal of Department Heads will be at the sole discretion of the PSC. It will only occur following an investigation into the existence of grounds for dismissal as set out in the Departmental Heads contract.

These grounds will consist only of the following:-

- misbehaviour;
- breach of contract or terms of employment;
- incompetence;
- ill-health;
- consistent poor performance; and
- it is in the interests of the state (as determined by PSC).

There are well qualified, committed and enthusiastic people in the public service. These changes have given them a future. Their best efforts will no longer go unnoticed and unrewarded. If they perform, they will be promoted. If they achieve results and demonstrate their merits, at some point they can apply for and will be considered for the position of Department Head. Further and most importantly, the only reason that they would not get the job is if another candidate is more able to meet the requirements of the Job.

The people of Papua New Guinea can now be confident that the person best able to serve their needs will get the job. Without this guarantee there is no hope for this country. With it, Papua New Guinea's best and brightest sons and daughters have been given the opportunity to perform in its service.



**Public Sector Reform
Advisory Group**

Transparency International (PNG) Inc. and its Coalition Partners congratulate the Prime Minister, Sir Michael Somare and all Members of Parliament in the successful passage of legislation on Constitutional Amendments aimed at restoring merit, pride and professionalism to the Public Service.

TI (PNG) Inc. also supports the work of the Public Sector Reform Advisory Group.



PNG inap kisim raba long Wes Papua

OL SAMPELA pablik sevens na bisnisman long Kiunga i bin go long Indonesia bihainim askim bilong ol Indonesia wanwok long go na lukim wanpela raba so long Mindiptana long dispela yia.

Dispela 2 de so i soim olsem ol groas long ol boda eria bilong Wes Papua i gat planti ol raba long saplaim Not Flai raba kampani fektori long Kiunga insait long Westen provins.

Distrik opisa i go pas long Mindiptana, Margaretha Kakare na lokel raba ekstensen opisa, Linus Anden i go pas long kamapim dispela so. Dairekta bilong Not Flai Raba Kampani (NFRC), Warren Dutton

tok ol raba groa long Wes Papua i gat bikipela eria we ol i wok long groim raba tasol ol painim hat long salim ol long wanem ol i nogat gutpela transpot sevis long eria bilong ol.

Mista Dutton i tok kampani bilong em ken baim planti wet kap lam raba long West Papua groas sapos i gat isi rot bilong transpot long Kiunga na Mindiptana.

Em tok rijnel edmin-istreta long Merauke i bin odarim ol wokman long stretim rot long mun Desemba las yia long joinim tupela taun long Dome viles we i stap long PNG na Indonesia boda.

Mista Dutton i tok wanpela grup long Wes

Papua bai kam bek long Kiunga long painim aut ol nupela divelopmen we i kamap bihain long dispela namba wan visit o wokabaut.

Aninit long PNG na Indonesia boda agrimen tupela kantri ken baim na salim raba long boda bikos raba em wanpela projek bilong ol asples.

Mista Dutton tok sapos em ken baim planti wet kap lam raba long ol Wes Papua groas dispela bai givim bikipela sapot long raba indastri long tupela sait bilong boda.

Em i tok dispela bai helpim Kiunga raba fektori long ron gut tru na ol groa insait long Kiunga na Mindiptana bai kisim gut mani.

Ol Finsafen fama lainim long kamapim kaikai bilong kakaruk

DAPSY MINGKA i raitim

URUO viles poltri projek long Finsafen Morobe provins i kamapim kaikai bilong kakaruk long we bilong yusim ol gaden kaikai.

Provinsal DAL opisa Raphael Roekopac i tokim Wantok Nius olsem dispela projek em i isi long ol fama long wokim bikos i gat ol samting bilong kamapim kaikai bilong kakaruk i stap pinis olsem soyabin, sogum, tapiok, kokonas na rantol rip i stap pinis long graun long ples.

Mista Raphael i tok, projek ya i nupela long ples lain long bildim ap save bilong ol yet long kamapim ol kaikai bilong

kakaruk. Em i tok provinsal komiti i oraitim dispela proposel pepa we ol i bin oraitim long Februari long las yia 2002 we opisa wokman Mista Raphael yet i sainim dispela pepa, em i tok.

Em i tok, ol lain husat i sainim dispela pepa ol i bin kik ov long wok fama bilong ol.

Opisa Raphael i bin go givim kos long sampela mun i go pinis long 2002 las yia. Em i kam long (DPI) Trening Senta long Lae long givim kos long ol ples lain.

Ol i save kisim ol dispela fida kaikai long gaden em ol i kamapim bilong givim long kakaruk. Ol i save kisim na draim long bikipela san long drai pastaim. Em i tok taim ples i kol

i gat we bilong draim long paia i stap.

Tupela saveman fama bilong ples long Uruo Baikiri lrobe na Jackson Turezo i stori gut tru long ol rot we ol i save mekim long kamapim dispela kaikai bilong kakaruk.

Tupela i tok kaikai bilong kakaruk long stua i gat marasin na hevi bilong kakaruk i narakain long dispela lokel kaikai bilong kakaruk long ples.

Tupela i tok dispela em namba wan taim tru long kamapim kaikai bilong kakaruk long ol gaden kaikai bilong mipela stret long PNG.

Dispela wok i go het strong nau long ples wantaim sapot na helpim bilong DAL opis long Lae.

Kantri inap strong wantaim wok didman

PAUL ZUVANI i raitim

LONG putim moa strong, taim na mani i go long kirapim na strongim didiman em bai gutpela tru long lukim kantri i kirap na sanap. Dispela em bikipela tingting gavman i mas oltaim strongim na karimaut.

Wanpela plesman long Bogia Madang provins Mark Doma Dagoro i mekim dispela toktok bihain long em i lukim olsem i nogat moa we gavman i ken kisim mani long ranim kantri.

Mista Dagoro i tok kantri i bruk daun bikos ol gavman bipo i no luksave long strong bilong wok didiman na olsem i no bin givim taim long em. Dispela i mekim na olsem planti man husat i traim hat long wok didiman i no save kisim gutpela helpim. I no long eid mani o long kisim dinau long benk o long kisim saveman long narapela kantri bai helpim em na sevim kantri, nogat. Wok didiman tasol inap helpim em, Mista Dagoro i tok.

Mipela i gat kakao, kokonas, kofi na nau ol i planim vanilla tasol ol wokman bilong didiman i no save go lukluk raun long helpim ol. Dispela long wanem ol i nogat mani bilong mekim wok. Olsem na gavman long dispela taim na taim bihain i mas givim inap helpim long wok bilong didiman.

Sapos ol gavman bilong bipo i bin luksave long strong bilong wok didiman na i bin givim gutpela helpim mi bilip em bai ino inap wari tumas long hevi bilong mani nau.

Nogat, long wanem wok didiman bai sapotim em, em i tok.

Long strongim wok didiman em i tok tu olsem ol opisa i mas mekim wok lukluk raun gen long wanem gavman i bai givim sapot. Ol opisa i noken sindaun long opis tasol. Nogat. Ol i mas lukluk raun log ol ples na helpim ol pipel, Mista Dagoro i tok.

Godfrey Angasa bilong Bogia tu na tisa bipo i sapotim tingting bilong Mista Dagoro. Em i tok wok didiman i bikipela samting long helpim kantri tasol em i tok wankain taim tu rot em i bikipela samting.


Na olsem gavman i noken lusim tingting long stretim ol rot. Em i tok sapos nogat rot bai ol pipel i no inap salim ol samting bilong ol.

Long ples bilong mi Mikarew ol man i gat kakao, kofi, kokonas, ol kaikai bilong gaden na nau ol i planim vanilla tasol we stap gutpela rot long ol i salim ol samting bilong ol? Mista Angasa i askim.

Sapos i gat gutpela rot bai gutpela helpim i kamap. I nogat gutpela rot bai i nogat gutpela helpim.

I no long wok didiman tasol, nogat. Sapos i gat gutpela rot helpim i ken go long wok haus sik na long ol skul na long ol arapela samting, em i tok.

Olsem na em i tok sapos gavman i tok long helpim wok didiman em i noken lusim tingting long stretim rot tu.



• Dispela man Goroka i lukautim pis ol i kolim long Kaf pis aninit long haus bilong em long ples ausait tasol long Goroka taun.

Foto: JAMES KILA

Ol pipel i ken mekim mani long Balsa diwai

OL PIPEL insait long Is Nu Briten i painim narapela forestri diwai long helpim ol i pulim mani long en.

Dispela em balsa diwai. Provins i gutpela na graun tu i gutpela long ol diwai kes krop olsem kakao, kopra, vanilla, welpam i groa gut long en.

Tasol diwai balsa em i gutpela tru long ol fama bikos taim prais bilong ol arapela agrikalasa kes krop i pundaun, balsa i stap sambai long helpim ol na tu em i save groa hariap long mak namel long .5 na 1.5 sentimita insait long wanwan mun na i no olsem ol arapela diwai we i save kisim longpela taim long groa.

Ol balsa diwai i save redi namel long tri na foapela kris-mas bihain ol i planim. Ol dispela we ol i wok long katim nau i bin kisim sikspela kris-mas tasol ol arapela kesrop diwai i save kisim namel long 15 inap long 30 krismas long redi bilong katim na salim long en.

Wanem em balsa? Ol bin kisim diwai balsa (ochroma lagopus) i kam long Saut Amerika, ples na graun i

wankain olsem long PNG. Tru em i wanpela strongpela diwai tasol em save kamapim laitweit wud na ol i save laikim tumas long hobi maket, moa yet long wokim ol modul balus long en.

Em isi long katim diwai ya long wanem kain piksa man i laikim long en. Em i wanpela strongpela diwai ol i save yusim tu long mekim ol penel na ol tri paiwut sit na moa.

Balsa em i gutpela long fam forestri tasol i no olsem long agro forestri diwai. Toksave i go long ol fama olsem ol i ken planim ol arapela samting namel long ol balsa diwai bipo diwai ya i groa bikipela na karamapim graun o eria em i sanap long en. Ol fama i ken planim ol arapela gaden kaikai we bai redi kwiktaim wantaim ol balsa diwai.

Samting olsem nain pesen bilong balsa long wol em Saut Amerika i save kamapim. Dispela em long ol hobi na indastriel maket.

Long hobi maket, ol save yusim balsa long mekim ol toi olsem ol modul balus taim long indastriel eria, ol save

yusim long wokim ol dua, tebol na ol kolrum long en. Ol save yusim tu long mekim ol floa bilogn ol balus, ol hul o as long ol sip na ol sia long ol piksa ples.

PNG i bin traim long make-tim diwai balsa long 1957 na 58 taim Dipatmen bilong Forestri i bin kisim oda long Australia bilong ekspotim o salim long Australia long baim na wokim ol sef bod na ol fising flout.

Tru ol i planim balsa long Is Nu Briten tasol, planti lain i bin save long dispela diwai taim Intenesenel Tropikel Timba Ogenaisesen (ITTO) i bin fandum ol balsa komesel projek long provins long mun Oktoba 1996. Nem bilong projek ya em ITTO New Britain Balsa Industry Strengthening Project (ITTO ENBBISP).

Wanpela long ol as long dispela projek em long kirapim bek bisnis ya long kamapim ol haibrit balsa we long wankain taim bai helpim ol fama i groim balsa long en. Samting olsem 600 fama insait long provins i kamap ol balsa fama.

Projek bilong ITTO i gat tupela hap long en. Namba wan hap em long kamapim bek ol neseri na ol nupela rot long balsa diwai ol i planim i ken kamap gut.

Taim maunten paia long 1994 i bin kamap long Rabaul, em bin bagarapim progrem long namba wan hap bilong projek inap long 1996 taim ol samting i kamap orait gen.

Ol pipia billong maunten paia i bin bagarapim ol diwai we ol bin planim pastaim na tude ol dispela diwai i no bin dai i no kamap gutpela bikos ol i krukret nabaut.

Namba tu hap i bin stat long namel bilong 2000 tasol bihain long sampela mani hevi, ol samting i orait naa projek i wok long kamap gut nau.

I gat ol save man na meri i wok long stap insait long wok bilong lukautim dispela balsa projek na neseri.

Projek i karamapim tasol Is Nu Briten na Nu Ailan tasol ol i laik skruim i go long ol arapela ples olsem Is Sepik, Bogenvil na Wes Nu Briten.

Moa long balsa stori neks wik.

Wok didiman em bun tru bilong PNG

OL PIPEL bilong Papua Niugini i mas wok strong nau long kopra, kakao, vanila na ol arapela samting ol i planim long graun bilong ol.

Ol dispela samting em bun tru bilong Papua Niugini we ol pipel na kantri i save kisim strong long en long bipo i kam.

Gavana bilong Sentrel Benk Wilson Kamit i tok prais bilong kopra na vanila i go antap nau na prais bilong kakao i wok long sanap strong long dispela taim. Olsem na ol pipel bilong ples i mas wok strong long kisim dispela gutpela prais.

Mista Kamit i tok hevi bilong mani i bin bungim

...Prais bilong kopra na vanila i go antap

olgeta pipel bilong kantri tasol wok didiman em bun tru bilong ol pipel bilong Papua Niugini olsem na mipela i mas go bek na sanap strong long dispela wok tru bilong mipela.

"Em i no isi long kirapim bek ikonomi tasol sampela gutpela samting i kamap. Yumi mas luksave na wok strong long strongim dispela," Mista Kamit i tok.

Mista Kamit i tok hevi bilong mani o ikonomi i bin kamap bikos mani (Kina) bilong Papua Niugini i no inap long sanap strong insait long intanesenel

maket we i mekim strong bilong PNG Kina i pundaun egensim mani bilong arapela kantri.

Em i tok dispela hevi bilong mani i mekim na Sentrel Benk i traim long tromoi ol mani bilong em i go insait long dispela long holim strong bilong Kina long sanap yet. Tasol bikpela helpim na strong tru bai i kam taim ol pipel bilong Papua Niugini i strongim stret ol wok didiman long graun bilong ol long ples na salim moa long ol kopra, kakao, vanila, wel pam na ol arapela moa i go long wol

maket. Dispela inap kirapim bek strong bilong mani bilong mipela. Nau taim prais bilong ol dispela samting i go antap insait long wol maket, ol pipel bilong PNG i mas wok strong nau long gutpela prais na tu bai inap kirapim bek strong bilong Kina bilong kantri.

Gavana bilong Sentrel Benk i tok wokabaut bilong Gavman tude long strongim ol dispela samting insait long wok didiman na tu salim moa kago bilong mipela igo long ovasis long mekim mani em i klia pinis. Rot i klia nau na ol pipel

bilong PNG i mas wok strong nau long go insait long rot taim prais i gutpela nau long ovasis maket.

"Tru, ol senis bai no inap kamap kwik tasol sapos yumi stat wok nau, bai mipela i painim gutpela halivim bhain taim," Mista Kamit i tok.

Gavman bilong Somare i bin tokaut olsem bikpela tingting o lukluk bilong em nau em long kamapim moa kaikai long wok didiman na salim moa long ovasis maket. Wok i stap nau long lukim dispela toktok i kamap tru.

Gavana bilong Sentrel Benk i sapatim dispela toktok bilong Somare Gavman olsem dispela rot bilong Gavman i op na ol pipel i mas go insait nau long kisim dispela gutpela prais we i go antap nau.

Em i tok strong bilong ol pipel bilong Papua Niugini i save stap long wok didiman long graun bilong ol yet long ples. Na dispela samting i bin stap bipo yet i kam na i bin strongim dispela kantri i kam olsem na ol pipel i mas sanap yet long dispela strong bilong ol. Dispela tu inap mekim kantri i ron gut antap long dispela strong o bun bilong ol pipel bilong Papua Niugini.

Hefil ples balus bai opim maket long vanila na kopi

MEMBA bilong Ambunti Drekkia Tony Aimo i amamas tru long harim olsem Minista bilong Trempot na Sivel Eviesen i laik opim Hefil ples balus long Maprik distrik i go bikpela long kisim ol bikpela balus i kam pundaun long hap.

Minista bilong Trempot na Sivel Eviesen Don Polye i bin tokim palamen las mun olsem taim ol i gat sampela mani nau bai ol i stat long lukluk insait long stretim ol ples balus we dipatmen bilong em i makim pinis long wok long ol. Hefil ples balus long Is Sepik em wanpela bilong ol.

Mista Aimo i tok dispela em wanpela gutpela nius tru bikos taim dispela ples balus i go bikpela, em inap kisim ol bikpela balus we i ken sevim gut ol pipel bilong Aitape, Nuku long Wes Sepik provins na ol pipel bilong Ambunti Drekkia,

Wosera Gawi na Maprik insait long Is Sepik provins.

Em i tok ol pipel bilong Sentrel Sepik i gat kopi na vanila bilong salim long maket tasol rot tasol i save givim bikpela hevi na hat taim long ol pipel. Olsem na dispela Hefil ples balus inap opim rot bilong ol i go aut long maket na tu ol bisnis lain long kam baim ol vanila na kopi bilong ol pipel long ples.

Mista Aimo i tok sapos dispela projek i kamap tru, bai ol pipel i kisim bikpela helpim tru bikos ol wokman bai i go i kam isi long mekim wok bilong ol long ol distrik na tu ol manmeri i ken go i kam isi long salim vanila bilong ol.

Em i tok dispela tu bai sevim ol manmeri long abrusim ol birua long Sepik haiwe bikos planti taim ol i bin bungim planti birua pinis long ron long pmv

long haiwe rot.

Mista Aimo husat tu em Siaman bilong Pablik Woks Komiti i tok em i amamas long dispela na em bai givim olgeta sapat na helpim bilong em long lukim dispela wok i kamap tru. Dispela em bikpela sevis tru long ol pipel bilong mi long ilektoret, em i tok.

Wanpela bikpela hevi tu em Ambunti na Drekkia i nogat rot i bungim tupela na dispela i save givim bikpela hat taim tru long Distrik Menesa bilong Ambunti long go long Drekkia long wok na ol bikpela bung. Ol i mas ron long moto i go daun long Pagwi na bhain kisim pmv i go long Maprik na ron bhainim haiwe i go gen long Drekkia. Ol pipel tu i ron olsem na dispela i westim bikpela taim na mani bilong baim ol trempot i go i kam.



Lukautim kakaruk... • Lukautim kakaruk em i wok tru planti ples lain i save mekim long kamapim liklik wok bisnis long ol yet long ples.

WANTOK Niuspepa i stat long dispela mun bai kamapim spes bilong bisnis nius.

As tingting bilong kamap dispela spes na putim ol stori em long tripela samting.

Olsem - Yumi ken save husat mekim bisnis, em i kamapim bisnis olsem wanem. Ol man nating i ken mekim bisnis, ol bisnisman o meri i ken surukim bisnis bilong ol igo moa - Yumi olgeta i ken mekim ol liklik wok bisnis long kisim mani na yumi bai gat mani. Sindaun i ken senis na gutpela.

Tasol pastaim long yumi toktok long bisnis o tingting long mekim bisnis yumi save tok bisnis em samting bilong ol lain i gat mani tasol.

Tasol long sait bilong ol liklik wok bisnis em i olsem baim na salim samting. (Yumi yet i ken kamapim o mekim samting na salim o yumi ken baim long narapela man o meri na salim). Dispela em samting bilong bisnis long sait bilong mekim mani.

Nau yumi ken stat long toktok long kamapim samting o long tok Inglis em i tok Prodaksen.

Prodaksen

Mekim Bisnis Long PNG

Prodaksen kamap taim man o meri i mekim wok. Papua Niugini manmeri i lain bilong mekim wok long longpela taim. Ol i save mekim planti kaikai, mekim haus, kanu, bilasim ples na i save mekim singsing.

Taim waitman i kam em i kam wantaim ol kain kago bilong em we Papua Niugini manmeri i no lukim bipo.

Dispela i mekim ol manmeri i gat planti tingting na askim wanem hap tru waitman i kisim ol kain kago na sampela i kamapim kranki tingting olsem kago kal.

Olgeta man i ken mekim samting maski yu waitman, blakman, man o meri, yangpela o lapun. I gat tupela we man i ken amamasim em yet na famili bilong em o em i ken mekim samting na salim long kisim mani, long nau bhain em i ken kamapim samting na amamas long em.

Olsem na manmeri bilong Papua Niugini i ken stap long tupela we.

Long kamapim o mekim samting na amamasim em yet

na famli bilong em o mekim samting na salim long kisim mani.

Tupela sait wantaim i gutpela long sapatim laip, long pasin na sindaun bilong bipo yumi kamapim o mekim samting long helpim yumi yet. I no bilong grisim o salim i go long narapela kain mani.

Tasol taim waitman i kam em i lainim yumi long wok bisnis o mani. Yumi mekim samting, salim na kisim mani long em. Bihain yumi yusim dispela mani na baim narapela samting em yumi laikim long yusim.

Nau long dispela taim wok bisnis o mani i bikpela samting tru long sapatim yumi. Yumi ken kisim mani long samting yumi kamapim na mekim. Yumi ken kolim dispela kain we bilong kisim mani olsem prais bilong guds o sevis yumi kamapim na givim.

Produsa i save laikim wanem samting?

Ol produsa i ken man i mekim gaden o man husat i mekim bisnis olsem salim

samting na kisim mani. Ol liklik samting produsa i laikim olsem Risoses.

Risoses em ol samting i stap long graun o i ken olsem man. Ples i ken mekim samting salim na kisim mani o i ken givim sevis na kisim pe long en.

Risos Leba i min olsem ol wokman bilong kempen mekim wok na kamapim wanpela samting. Eksampl. Ol wokman bilong wanpela Timba Kampani. Ol i katim diwai na mekim kamap timba bilong mekim ol haus na ol samting. Dispela em olsem Risos Leba.

Man long ples husat i laik mekim. gaden na planim samting em i mas i gat ol samting olsem graun bilong planim kaikai, sids, tamiok, sarep na pik na pok na em i mas i gat save na tingting bilong wanem samting em bai planim. Wanem hap em bai mekim wok long en, wanem taim em bai planim na wanem kain samting em bai planim.

Ol bikpela kampani o bisnis tu i olsem. Ol mas i gat kain save na tingting na mekim ol dispela kain samting long ol i mekim wok bilong ol i kamap.

Lida laikim ol pipel i planim rais na wok didiman

MEMBA bilong Bulolo na Oposisen lida John Muingnepe i tokaut olsem nau em taim bilong kamapim planti samting long graun na salim long mekim mani nau taim kantri i wok long bungim hevi bilong mani long tude.

Mista Muingnepe i mekim dispela toktok long Bulolo long dispela yia taim em i go bungim ol pipel bilong em long Bulolo taun.

Em i tok nau em hatpela taim bikos kos bilong olgeta samting i go antap tru olsem na nau em taim bilong senisim pasin, tingting na sindaun long developim ikonomi bilong yumi insait long kantri.

Long dispela hat taim nau, planti ovasis kantri bai baim ol kago bilong PNG bikos prais i daun na sapos mipela i kamapim planti samting na salim bai kantri i wokim planti mani, em i tok.

Mista Muingnepe i tokim ol pipel olsem insait long 4-pela yia em i laikim ol pipel bilong Bulolo i mas wok strong long ol liklik wok projek o smol skel prodak. Ol manmeri i mas wok long planim rais nau long Bulolo ilektoret.

Oposisen lida i tok kantri i save tromoi klostu K400 milien i go long baim rais long Australia. Olsem na nau ol pipel bilong PNG i mas planim rais bilong ol yet na sevim dispela K400 milien long mekim arapela bikpela wok bilong sevim kantri na ol pipel.

Bikpela sapat bilong memba i stap nau long ol liklik wok agrikalisa insait long ilektoret na em bai statim ol helpim bilong em long ol pipel taim ilektoret opis bilong em i kamap long Bulolo sampela taim bhain.

NOGAT OIL PALM

MIPELA OL PAPA GRAUN BILONG DISPELA OL PLES

KOROPA
SAUSI
YAKUMBU
URIGINA
DANARU

USINO
GARALIGUT
BILL 1
BILL 2
SEPU

Stap insait long hap we oil palm projek bai kamap insait long Apa Ramu Distrik long Madang provins i laik tok klia tru olsem *OIL PALM PROJEK BAI I NO INAP KAMAP LONG GRAUN BILONG MIPELA*.

Mipela bin tok klia long tingting bilong mipela long stat yet olem mipela i no laikim oil palm long eria bilong mipela.

Dispela tingting bilong planim oil palm em tingting bilong Provinsal Gavman, Nesenel Gavman, Ramu Suga kampani na ol ovasis kampani. Dispela i no tingting bilong mipela ol papa bilong graun.

Bihain tasol long ol i pasim tok pinis, ol i tok-save long mipela long dispela tingting. Tasol mipela i tok planti taim pinis olsem mipela i no laikim oil palm long hap bilong mipela.

Antap long ol dispela tingting bilong mipela, ol bikman bilong mipela insait long Usino Lokol Gavman Kaunsil (LLG) wantaim ol mausman bilong mipela i bin toktok wantaim ol bikman bilong Provinsal Atoriti pinis olsem *MIPELA I NO SAPOTIM OIL PALM PROJEK INSAIT LONG ERIA BILONG MIPELA. NOGAT TRU*.

Mipela ol papagraun i kamapim pinis ol wok developmen long kamapim gutpela sindaun bilong mipela pinis. Na mipela bai bihainim dispela rot yet long wok antap long graun bilong mipela bihainim laik na tingting bilong mipela yet.

Mipela i laik tok strong long olgeta arasait lain

husat i laik planim oil palm antap long graun bilong mipela long stap ausait long graun bilong mipela. *MIPELA BAI SANAP STRONG BAN-ISIM GRAUN BILONG MIPELA LONG STOPIM HUSAT I LAIK KISIM*.

Mipela laik tok klia long olgeta ausait lain we i laik kisim graun bilong mipela long planim oil palm olsem, *MIPELA I REDI PINIS LONG PAIT LONG BANISIM GRAUN BILONG MIPELA LONG PLES NA INSAIT LONG KOT*.

Mipela nau i tok klia long yupela olgeta pablik olsem, *MIPELA I NO LAIKIM OIL PALM PROJEK LONG USINO APA RAMU DISTRIK*.

Bom Onot (Sausi) (Urigina)	Kofior Genembia
Masai Kensa (Sausi) Sinandup (Urigina)	Tamonifa
Agus Lupia (Koropa) (Urigina)	Pori Tamuel
Naman Topo (Yakumbu) (Danaru)	Win Marauf
Tauraya Gidimaipa (Yakumbu) (Danaru)	Kasi Marauf
Miaip Bagiap (Yakumbu) (Danaru)	Set Win
Simon Tikoni (Usiama) (Usino)	Pais Bugap
Manam Setif (Usiama) (Sepu)	Simon Awaiwa
Michael Kamai (Usiama) (Sepu)	Toby Jangupe
Bimul Kapiak (Boko) (Baraligut)	Mose Soba

Dok i as bilong pait

BIPO tru wanpela man i stap long Lagai Sab provins nem bilong em Yandapo. Em i karim tupela pikinini man. Namba wan nem bilong em Sambe. Namba tu pikinini nem bilong em Kumalin.

Taim papa i stap, dispela taim tupela brata i stap gut na tilim gaden na olgeta samting gut stret. Na Sambe i karim planti pikinini na Kumalin tu i karim planti pikinini.

Tupela lain i kamap bikpela lain. Samba na Kumalin tupela i kamap tumbuna bilong tupela lain. I olsem na wanpela dok i stap long lain Kumalin. Dispela dok em i no dok nating, em i kilim planti kapul.

Na dog ya i kilim pik tasol em i save stilim abus tu. Papa bilong dok i laik kilim em i dai tasol taim em i bringim i go long bus na em i laik kilim em i dai tasol taim em i kilim planti kapul olsem na papa bilong dok em i wari tumas long en.

Orait, em i painim strongpela diwai na em i sapim gut tupela stik na em i wokim hul. Na em i putim rop long dok na i pasim em long haus.

Wanpela taim papa bilong dok i bringim em i go long bus long kilim kapul. Na tupela i karim kapul i kam long ples na ol i wok-about long rot na man i go pas na dok i go bihain.

Dispela dok i gat hap stik na rop long nek bilong em. Papa bilong dok i ting em i kam long beksait bilong em na em i wokabout i go. Wanpela man em i stap long rot em i lukim dispela dok i gat rop long nek na em wanpela tasol i kam. Dispela man i singautim isi long dok na i holim stik diwai wantaim rop. Em i stilim na i haitim long haus bilong em.

Dispela man i stilim rop em i lain Sambe. Na nau dok i go nating na bihainim papa gen na i go kamap long haus bilong em.



Nau man i lukim dok na rop wantaim stik i no stap long nek bilong dok.

Em i go bek na painim tasol em i no painim. Nau em i singaut strong moa husat i stilim rop bilong dok bilong mi. Singaut, singaut na ol man i stap nabaut i tok, mipela i no lukim. Nau papa bilong dok i tok, nau tasol mi bringim dok i kam long dispela rot na yupela ol lain Sambe tasol i stilim. Plis yupela i givim bek long mi.

Em i tokaut strong olsem na ol i no givim bek. Ol i haitim gut na ol i no bekim tok bilong em. Nau dispela man i belhat na kilim wanpela man long dispela lain Sambe.

Nau Sambe na lain Kumalin i kirapim bikpela pait. Tupela lain i wok long pait i stap

inap long tupela mun. Na planti man i dai long tupela lain. Bihain ol lain Sambe i strong na i winim lain Kumalin na putim paia long olgeta haus na bagarapim gaden na olgeta samting na rausim lain. Kumalin olgeta Sambe i kisim olgeta lain Kumalin na rausim i go nabaut long olgeta hap. Na nau lain Kumalin i go join long Kandep patrol opis na sampela i go joinim arapela lain. Ol lain Kumalin i stap long Enga provins na harim stori tasol. Long wanem bipo tumbuna bilong lain Sambe i win pinis na nau i no gat rot long kam bek long as ples em bipo Sambe i winim pinis. Na ol lain Kumalin i kontrak pinis tu long arapela lain.

Dispela em i stori u wanpela papa i bin tokim mi.

Mi wari long olupela boipren bai bagarapim marit bilong mi

Dia Laiplain

Mi na man bilong mi i stap amamas long marit bilong mitupela na mitupela i gat wanpela pikinini. Tasol nau mi gat bikpela wari bikos boipren bilong mi long pastaim i laik kam insait na bagarapim marit bilong mi.

Long las sikspela mun, dispela man i wok long ringim mi tumas long wok na traim long kam lukim mi. Mi tokim em olsem mi no laik lukim em na mi wok long abrusim em.

Mi pret olsem i no longtaim nau em bai tokim man bilong mi long prensip bilong mitupela pastaim na man bilong mi bai kros long mi.

Bai mi wokim wanem long mekim man ya i stop long ringim mi, bagarapim tingting bilong man bilong mi na bagarapim marit bilong mitupela?

FAITHFUL WIFE

Dia Pren,

Yu mas belhat na i no wanbel tru taim olupela boipren i wok long laik



toktok gen long yu tasol ya amamas long marit bilong yu.

Planti bai wanbel olsem man ya i gat selpis pasin long tingim em yet na i laik toktok gen long yu long traim kirapim bek prensip bilong yutupela. Mipela i hop olsem yu ken toktok long em na tokim em long lusim yu na yu ken go hetim gut laip bilong yu.

Mipela i luksave long ol hevi we yu pret olsem i ken kamap sapos dispela olupela boipren i ringim man bilong yu na toktok long em long prensip bilong yutu-

pela pastaim. Yu no laik bai em i bungim man bilong yu o em i bungim yu tu.

Sapos em i traim long kontekim yu gen, yu mas toktok strong long em. Tok klia olsem yu no laik lukim em na putim telipon i go daun.

Sapos em i go het long salim pas o ringim yu long telipon long wok ples, inap yu tokim em olsem yu gat rait long kisim em i go long plis o long kot na ol bai kisim eksen long em.

Yu gat wanpela bikpela brata o ankel o narapela hauslain husat i save wokim gut wantaim yu? Inap dispela man i toktok long man ya na wokim strongpela toktok long em i lusim yu na i no moa toktok long yu?

Yu no laik tokim man bilong yu long sampela ol samting i bin kamap long laip bilong yu bipo long yutupela i marit tasol bai taim i kamap we bai yu mas tokim em long sampela ol samting yet long pastaim laip bilong yu.

Ating long dispela samting i ken kamap na planti poroman na meri manmeri i save serim laip

bilong ol long pastaim na ol boi/gel pren ol bin gat long en.

Taim yupela i marit, yupela i mas save long ol prensip pasin we yupela i bin gat wantaim ol man na meri bipo yutupela i marit.

Yu tok yu amamas na yu gat gutpela sindaun na laip wantaim man bilong yu nau.

Sapos em i gutpela man husat i luksave na i no save paul nabaut tasol pas wantaim yu tasol, em bai luksave long yu na harim ol stori bilong olupela laip bilong bipo yu bin bungim na maritim em.

Tok strong long em olsem ol samting we yu bin wokim bipo yu bungim na maritim em i nogat mining long yu nau na nau bikpela tingting na laik bilong yu i stap wantaim em na pikinini tasol. Dispela kain pasin bilong sea bai strongim tu marit laip bilong yu.

Taim man bilong yu i klia gut long laip bilong yu long pastaim, boipren bilong yu bai ino inap long blek meilim yu long bungim yu na kirapim bek pren pasin namel long yutupela.

LAIPLAIN

Nem: Simon

Sam

Krismas: 16

(man)

Adres: Mt

Tawa Primary

School, P.O.

Box 220,

Mendi, EHP.

Save laikim:

Pilai volbal,

lukim TV, go lotu long.



Nem: Bela Duku

Krismas: 15 (man)

Adres: Mt Tawa Primary School, P.O. Box

220, Mendi, EHP.

Save laikim: Pilai soka, go long skul, stori wantaim ol lapun man.

Nem: Mepe Wake

Krismas: 14 (man)

Adres: Mt Tawa Primary School, P.O. Box 220, Mendi, EHP.

Save laikim: Pilai basketbal, tas ragbi, pilai gita, na singim ol singsing.

Nem: Rex Kay

Krismas: 13 (man)

Adres: Mt Tawa Primary School, P.O. Box 220, Mendi, EHP.

Save laikim: Go waswas long wara, kalap wokim gaden, pilai volbal na pilai tas ragbi.

Nem: Beas Eme

Krismas: 13 (man)

Adres: Mt Tawa Primary School, P.O. Box 220, Mendi, SHP.

Save laikim: Pilai ragbi tas, pilai soka.

Nem: Mapsy Epsy

Krismas: 15 (man)

Adres: Mt Tawa Primary School, P.O. Box 220, Mendi, SHP.

Save laikim: Pilai basketbal na go lotu.

Nem: Jeremy Sau

Krismas: 13 (man)

Adres: Mt Tawa Primary School

Save laikim: Pilai spots na go lotu.

Nem: Celestine Kawal

Krismas: 25 (man)

Adres: Celestine Kawal, Seresing Village, St Johns Napakoi, Kairiru Island, P.O. Box 107, wewak, Esp.

Save laikim: Go lotu, go painim pis, ritim buk na pastaim long nambis.

Nem: Norah Andeseni

Krismas: 19 (meri)

Adres: Province Port Moresby, NCD School College of Distance Education Kone, P.O. Box 1085, Waigani, NCD.

Save laikim: Go lotu, harim musik, tok pilai, waswas long wara, pilai ol spots, harim stori, redim ol buk na mekim ol pen pren wantaim ol arapela marit.

Nem: Claria Aris

Krismas: 16 (meri)

Adres: Mercy High School, Yarapos, P.O. Box 580, wewak, Esp.

Save laikim: Go long lotu, watchim TV harim Pop musik, mekim pen pren na pilai basketbal.

Nem: Mamelu Labu

Krismas: 15 (meri)

Adres: Mercy High School Yarapos, P.O. Box 580, Wewak, ESP.

Save laikim: Go lotu, pilai softbal, waswas long nabis na harim musik na makim pen pren.

Nem: Nakisa Awes

Krismas: 17 (meri)

Adres: Mercy High School Yarapos, P.O. Box 580, Wewak, ESP.

Save laikim: Pilai volbal, lukim vidio, redim buk na mekim pen pren.

Nem: Gieta Jamai

Krismas: 16 (man)

Adres: P.O. Box 995, Wewak, East Sepik Province.

Save laikim: Go lotu, pilai spots na go long wara na swim.

Sapos yu gat hevi o wari, rait i kam long LIFELINE, P O Box 6047, Boroko o ringim mipela long telipon namba 3260011. Taim yu rait, plis putim nem na edres bilong yu. Mipela i no inap long salim bekim sapos yu no yusim trupela nem o edres bilong yu. Long dispela kolom, mipela save toktok long ol tru tru hevi tasol bai mipela i no inap long putim trupela nem bilong yu.

KANAGE



JADA03

Paps Kanage em bilong Dagua long Wes Kos. Wampela taim bagaman ya kalap long wampela PMV ka na em laik go raun liklik long Wewak taun. Ol i ron i go na long hap rot ol raskol i hensapim ol na ol i tokim draiva wantaim olgeta ol pasindia long kam daun long ka. Na ol raskol i tokim draiva na olgeta pasindia long rausim trausis bilong ol na sanap as nating. Turangu olgeta lain i sanap as

nating long olgeta sem nogut long ol yet na Paps Kanage em i sindaun antap long ka i stap bikos ol raskol i no bin tokim Paps Kanage long kam daun long ka bikos ol i lukim olsem em i lapun olsem na ol i sore long em. Paps Kanage i lukluk i go na em i no wanbel olgeta olsem na isi tasol em kirap na bikmaus i go long ol raskol ya. Oloman yumi laik go raun long taun o yumi kam long soim ol as long rot. Taim ol raskol ya i harim olsem na ol i kirap na putim gan i go long het bilong Paps Kanage na tokim em long kam daun long ka na rausim trausis na danis long kolta. Taim paps Kanage i mekim olsem pinis olgeta bel bilong em i sting nogut na ol raskol i lap idai long em. Ol raskol ya i tokim em. Paps yu pilim nau. Mipela i sori long yu na mipela i no bin tokim yu long kam daun long ka, tasol yu yet askim olsem na nau yu pilim stret nau. Paps Kanage i no wan-

bel wantaim na ol i kalap long ka na tekov i go long Wewak.

TA. Russell
Wewak

Kanage bilong Kerema. Wampela taim em i go long taun na kisim sampela pasindia long maket. Em i go kamap pinis na ol pasindia askim em. Kanage yu mekim wanem na em kisim longpela taim long yu kamap long taun. Kanage kirap na tok. Hei mi no save tumas long draiv. Yupela save tu o, mi save kisim longpela taim long draiv. Mi nogat laisens long kamap long yupela. Yupela orait o waia bilong yupela lus. Taim ol pasindia harim olsem ol i no laik kalap long dispela ka bikos ol i save olsem draiva i nogat laisens na brukim trefik lo pinis.

Fred Yomi
Kanaka Mero

Kanage bilong Sepik. Wampela taim em i go long maket na em baim buai na daka Em sindaun aninit long diwai na stat long kaikaim ol. Tasol dispela hap em sindaun long en em wampela diwai bilong glu. Em sindaun gut tru na kaikai buai i stap. Em lukim planti poromanmeri wokabaut i go i kam. Na em tokim ol. Hei mi sindaun long hia kisim win liklik pastaim na bihain mi go. Tasol taim em kaikaim buai pinis. Trausis bilong em hat long go antap wantaim as bilong em. Na em kirap kalap nogut stret na ol man kirap na tokim em olsem em sindaun aninit long diwai bilong glu. Na ol manmeri kirap na tokim em olsem yu orait o dispela diwai em diwai nogut na ol i lap i dai stret na tran-gu Kanage i pas long as bilong diwai i stap.

Andrew Pombre
Madunumu

KANAGE



EH, BRO...
MI PAINIM
RAUN TASOL..
YU SAVE!

Yumi Yet!

KANAGER WANTAIM PORO BILONG EM OL I DRING LONG THESE IGO FRAIDE MONING NA HOLDE SATEDE OL I SILIP...



SANDE NAU TUPELA PORO WANTAIM MERI BILONG EM OL I GO RAUN LUKIM TAMBU BILONG EM LONG RENBO VILES.. KANAGE TING EM SATEDE...



NAU KANAGE KIRAP NA TOKIM TAMBU LONG TUPELA GO PAINIM SAMPELA BIA... TAMBU I TING BAI OL I GO LONG BILAK MAKET NA BAIM BIA LONG HAP...



TASOL NOGAT OL GO STRET LONG STOP 'N' SHOP NA KANAGE I GIVIM SAVE KAD LONG TAMBU LONG SWAIPIM KAD LONG LIKA SHOP NA KISIM BIA LONG LAIK BILONG EM...



TAMBU EM PAOL OLGETA NA ASKIM KANAGE OLSEM TUDE EM SANDE NA LIKA SHOP LONG OLGETA HAP EM PAS...



KANAGE INO BILIP OLSEM TUDE EM SANDE... EM TING OLSEM ASTE EM FRAIDE BIKOS OL I BIN SPAK LONG THESE YET NA OL SILIP HOLDE LONG FRAIDE TASOL NOGAT, OL I SILIP HOLDE LONG SATEDE NA KIRAP LONG SANDE...

Salim ol tok pilai wantaim Kanage i kam long:

WANTOK EDITA
P.O. BOX 1982, BOROKO,
NATIONAL CAPITAL DISTRICT

o Fax 325 2579 o email word@global.net.pg

Noken singsing tumas long ol meri

Dia Edita,

Mi wanpela manki Is Sepik provins tasol nau yet mi stap long Kimbe Wes Nu Briten provins. Mi laik autim wari bilong mi long *Wantok Niuspepa*. Wari bilong mi i go olsem.

Mi wanpela manki bilong laik long harim ol lokol musik bilong yumi PNG.

Tasol wanpela samting save hatim filings bilong mi. Em planti ol musik man i save kamapim ol singsing long ol meri

Yumi man mas save olsem mama harim yumi

na i no gutpela long yumi ol man i bagarapim ol meri na daunim poin bilong ol.

Yumi man yumi mas save olsem meri stap na yumi man i stap. PNG yumi gat solwara na planti samting bilong singsing long ol. Olsem na yumi ol man sampela taim yumi traim na soim rispek long ol meri na kamapim ol gutpela singsing long narapela ol samting bai ol narapela kantri i ken laikim keset bilong yumi PNG.

**John Amuguna
Kimbe, WNPB.**

Stretim boda rot

Dia Edita,

Mi laik bekim pas i go long *Wantok Niuspepa* na bai ol i ken lukim dispela wari.

Plis dispela toktok bilong boda haiwa bai olsem wanem?. Wanem taim bai putim bikpela masin bai brukim bikpela maunten long Vanimo, Amanab, Green Riva. Planti yia i go pinis nau na 2003 i kam inap nau ol memba bilong palamen bipo i sanapim haus palamen na ol i no lukluk long hevi bilong pipel na rot, boda Haiwa rot em bikpela samting.

Bringim gutpela sevis na developmen kam insait.

Mi laik askim memba bilong Vanimo Green olsem na i no lukluk long hevi bilong pipel na rot, boda

haiwe rot em bikpela samting.

Bringim gutpela sevis long pipel na gutpela developmen kam insait.

Mi laik askim memba Vanimo green Open Philip Inou, Gavana Carlos Yuni na narapela tupela lida long sanap palamen na toktok long brukim dispela mani baset kam insait long boda Sandaun rot.

Bikos Papua Niugini bai lukim Vanimo i joinim Wewak, Madang Lae na Hailans wantaim bikpela Haiwa rot.

Yumi las boda Papua Niugini i stap longpela taim tru i nogat gutpela rot kamap.

**Sulu Kail
Sandaun Boda, SP.**

Sapotim wok bilong plis fos long kantri

Dia Edita,

Mi wanpela manki Is Sepik provins tasol nau mi stap long Kimbe Wes Nu Briten provins. Mi laik bekim pas bilong brata Tommy Martin i bin kamap long *Wantok Niuspepa*. Brata ya i toktok long plis fos.

Nogat Plis Fos bai kantri bilong yumi bai i go bagarap olgeta. Tasol nau yumi lukluk i go insait long kantri bilong yumi. Kantri bilong yum olgeta tasol nau yumi lukluk i go na long haus palamen i

save yusim bikpela mani bilong yumi ol pipel tasol i no save strongim gut plis fos bilong kantri.

Plis i stap long lukautim gut lo na oda na ol pipel i stap gut. Memba insait long palamen i bagarapim ol mani na ol samting na ol pipel i lukim. Pipel tu i kamap korapsen. Sapos ol memba i no yusim stil pasin em bai nogut pasin bilong paul na bagarap long kantri bilong yumi.

**John Andugamo
Kimbe, WNPB.**

Salim pas i kam long:
The Editor
Wantok Niuspepa
P.O. Box 1982,
Boroko, NCD.

Kotim ol lida i stil long NPF

Dia Edita,

Olsem wanem long dispela kantri bilong yumi i gat tupela lo o wanpela lo na taim wanpela liklik mangi i stilim rais o tinfis long stua plis i putim em na kalabusim em tasol ol politiks lida i stilim milien kina olsem long NPF ausa ol i fri na kinkain loya i helpim ol.

Dispela olgeta politiks lida i stilim mani bilong ol 60,000 NPF memba i mas go long kalabus.

Nau yet gavman i mas givim moa pawa long Plis Komisina long holim ol na kotim ol na ol mas salim bis-

nis bilong ol na bekim mani bilong NPF membas. Mani i lus long en i sanap olsem K155 milien, em ol lidas i paolim na nau yet ol i wok long sutim tok igo i kam na planti bilong ol i stap long palamen haus.

Long tingting bilong mi olgeta dispela man husat i stilim mani ol i mas go long kalabus na ol i mas salim ol bisnis bilong ol na bekim olgeta dispela mani bilong NPF.

**Tony Ben
Wewak, ESP.**

Wingti wokim gutpela ileksen

Dia Edita,

Mi wanpela manki Hagen sentrel, Westen Hailans provins.

Mi laik sapotim toktok bilong ol papamama na ol lidas long Westen Hailans olsem Paias Wingti i wokim planti ileksen kempen pinis olsem na long tingting na bel bilong ol pipel bilong Westen Hailans provins na nau ol i amamas long em i winim gut dispela ileksen sit bilong rijinol sit.

Mi ken bekim ol olsem ol i mausman na konman tasol bikos bipo long 80's na 92 ileksen, olgeta pipel long provins na kantri i bin kisim helpim tru long fri edukesen. Olsem na olgeta pipel long dispela taim i bin kisim dispela bikpela sevis na ol i amamas. Long las yia 2002 ol i kisim fri edukesen gen.

Mista Wingti wanpis long 2002 ileksen em i givim bikpela amamas long Westen Hailans provins na em i no sanap antap long ileksen promis bilong em. Em i bin mekim klin kempen na em i win olsem na i nogat asua long dispela ileksen win bilong em long rijinol sit.

Olsem na mi laikim ol pipel bilong Westen Hailans provins long luksave gut long dispela na skelim gut Wingti em wanem kain lida tru.

Ol skul tisa i mas kam tis long Enga

Dia Edita,

Mi wanpela yut lida long ples long Laiagam long Enga provins na mi laik toktok long *niuspepa* na yumi yet Papua Niugini ken ridim na tok-save long ol wantok bilong yumi.

Mi laik tok olsem bos bilong edukesen long Wabag i tokaut pinis. Olsem 300 tisa i sot long Enga provins.

Dispela 300 em bikpela namba na husat yu bilong Papua Niugini i no save kisim wok olsem tisa orait mas ringim Edukesen Opis insait long salim tiket na yu i mas kam long Wabag long tis.

Yu i noken wari long haus. Ol haus bilong tisa i stap pinis na yu i noken pret. Em Enga provins. Em olsem Papua Niugini tasol long Awi ples na

kisim save pastaim.

Ol putim pinis ol tok-save na yu husat i no kisim wok tisa orait yu traim bes o lukim long telepon dairektri na ring long Wabag long dispela pon namba 5471097 o 5471054 tasol long bikpela opis long Edukesen bos.

**Samu Isinin Kissa
Wabag, EP.**

Pangia ilektoret i laikim rot

Dia Edita,

Nau yet mi askim memba bilong mipela Peter O'Neill long wokim rot tasol mipela i save nogat dispela sans. Peter ol lapun long ples ol i laikim yu na yu mas laikim ol noken les long ol.

Nau mi singut long Peter olsem mipela ol yangpela man mipela i no laikim wanpela moa. Mipela laikim wanpela samting tasol em ragbi lig long i mas kamap gut long ol ples.

Mipela ol yangpela man mipela i no laikim wanpela samting ragbi Lig mas i stap long Pangia em bai yu stapim ol yangpela long stil, smukim mariwana o smok nabaut long rot i go.

Bikos yu em lida bilong mipela na yu bai lukautim dispela samting olsem na mi tok. Sapos yu bihainim tingting bilong mipela nau bai narapela 5-pela yia tu bai yu i stap.

Peter mipela laikim rot i kamap long ples bilong mipela.

**Peter Ume
Goroka, EHP.**

Ol koman pasim rot

Dia Edita

Dispela taun bilong yumi ol Sepik ol i kolim Wewak i pulap tru long ol kon man na ol begas-husat i save gris toktok, trik na paolim samting bilong ol man o meri.

Olsem wanem nogat bun long wokim gaden o saksak na salim na

kisim moni o bai yupela sanap long pos opis, maket, ol benk na stoa long Wewak taun na singaut long moni we i kamap long hat wok.

Nogat sem tru bilong dispela man o meri i save wokim dispela kain pasin.

**John Kriosaki
Wewak, ESP.**

Sapotim skul projek

Dia Edita,

Insait long Haniyak viles long Kubalia ol sitisen bilong dispela ples ol i laik statim wanpela skul projek bilong wokim wanpela dabol klasrum bilong gret 7 na 8 long dispela yia 2003 na ol i askim olgeta pipel bilong Haniyak, ol pren sapota na ol narapela opis olsem forein dona ejensi long givim liklik moni long pinisim dispela skul projek.

Nau yet i gat wok komiti husat i wok long wokim fan reising na planti ol pas i wok long go aut long Papua Niugini.

Haniyak i givim planti saveman husat i gat Yuniversiti Digri na Diploma long wok long gavman na kamapim na em taim long helpim skul projek.

Mi askim yupela olgeta long putim K10' ov K20 long HANIYAK COMMUNITY ACCOUNT PNGBC WEWAK NO;3066408770 long dispela mun i go Disemba 2003

**John Kriosaki
WEWAK, ESP**

Odita mas sekim buk bilong Is Sepik provins

Dia Edita,

Dispela K350,000 mani bilong Is Sepik Dipatmen i bin lus em i soim olsem i gat ol stilman i stap long BMS na Treseri Opis bilong Wewak na Is Sepik provins.

Em ol manmeri bilong Is Sepik provins yet.

Bilong wanem na Provincial Edministrata bilong

provins i laik na putim long Letsa long pas em i raitim long *Nesanel Niuspepa* long Tunde na i tok olsem em i lusim han i go long New Zealand long wok bilong Is Sepik Developmen em bilong Wewak Tuna pis projek.

Tasol em i no bihainim ol lo o rot bilong putim i go long benk na raitim ol risit

long ol pablik seven o ol wantok bilong ol pablik man. Em kranksi tumas.

I moa gutpela long *s a s p e n d i m* Edministrata na larim Odita Jeneral long sekim ol buk na rekot bilong provins na long Treseri opis bilong Is Sepik provins.

**John Kriosaki
Wewak, ESP.**

Air Niugini i mas yusim PNG kala stret

Dia Edita,

Yes, Edita dispela em pestaim bilong mi long rait i kam long *Wantok Niuspepa*.

Mi i no save man na bai mi autim gutpela tingting. Yes, mi grasrut o manki bilong ples.

Mi lukim olsem planti politikal pati sistem long gavman bilong nau na kantri bungim bikpela hevi long mani.

Long 1975 i nogat planti politikal pati bikos kantri i kam aninit long Pangu na PPP. Olsem na kantri bilong yumi i bin ron gut tru. Sapos inap gavman bilong nau bai bringim bek pawa bilong kina i kam antap.

Mi pret long wanem strong bilong mani o kina bilong kantri i

daun tru olsem na nogut yumi bai salim kantri bilong yumi i go long narapela kantri.

Narapela samting mi save tingting long en em kala bilong Air Niugini balus. Mi lukim Air Niugini balus na mi ting balus bilong narapela kantri tasol nogat, em Air Niugini balus bilong PNG ya.

Inap gavman bilong nau, bai senisim kala bilong Air Niugini i go bek long olpela kala. Olsem fleg bilong PNG ret na blek na gol.

Dispela ret, blek na gol kala bilong fleg mas i stap long bodi bilong Air Niugini balus tu.

**W. H. Baunag
Kavieng, NIP.**

**S. G Keima
Mt Hagen, WHP.**

BOUGAINVILLE COPPER LIMITED NOTICE TO SHAREHOLDERS



Could the following people contact this office BY MAIL and provide their current addresses to: P O Box 1274, Port Moresby. All letters are to be marked attention to: The Company Secretary. NO PHONE CALLS WILL BE ACCEPTED. For identification purposes please include a copy of your share certificate/statement of holding; failing that, a statutory proof signed by a commissioner for oaths is required. Please note that some female shareholders may have been wrongly addressed as male shareholders and vice-versa.

- MR KUBAI ABAN
- MR PETER ABEA
- MR PAUL ABARA
- MR SIMILA ABEA
- MR TENQO ABUNA
- MR ADUM &
- MR MICHAEL AIBEN
- MR TARIADAKU
- MR BULLUBE ADE
- MR SEO ADE
- MR LAAGABU
- MR ILAGIPEO
- MR RAYMOND MICHAEL ALOAIA
- ALOHIA CO-OPERATIVE LIMITED
- MR RONNIE ALOIA
- MR LUKE ALOIA
- MR GREGORY AISI ATO
- MR LINUS AIKET
- MR SAULAI ANIUS
- MR GEASA AKUNGO AIPAKE &
- MR FRANK LAWYER AIPOS
- MR MARK AISA
- MR RAPHAEL AISA
- MR TOWNRUKAI AISAK
- MR SUMAMUN AISA
- MR AVURU AISI &
- MR DIA AISIANG &
- MR DIA AISIANG
- ESTATE LATE SAM AISIMBORO
- MR ILOAISOLA
- MR TIANA ANA
- MR MATTHEW TELONA AMASI
- MR TANGKABEL AIYAU
- MR BENEDICT AKA
- MR GAMAOCVE AKASIVE
- MR JOVI AKATE
- MR OVE AKA
- MR POTO AKA
- MR BAMB ANDREW AKBU
- MR JOHN AKULA
- MR SIERI AKULA
- MR ADILMA AKURARI
- MR RAPIAS ALBERT &
- MR RONALD ALBERT &
- MISS REGINA ALBIRA
- MR THOMAS GEORGE ALDAN
- MR TIMPILAK ALENA
- MR GORI ALGIN &
- MR THOMSON
- MR MAREN ALIYA
- MR GERALD ALLEN
- MR SOPHIA AGNES ALLEN
- MISS ULAMILA ALO
- MR PORE ALU
- MR YARVRO ANAGUPE
- AMENHOS LOCAL GOVERNMENT
- MR YANRUBRU AMBORA
- MR HENRY AME
- REY TALANA DANIEL AMENH
- MR PETER AMIEL
- MR ANDREW AMI
- MR BENJAMIN AMITO
- MR SIVONO AMOS
- MR MICHAEL TAO AMPACI
- MR SERGIUS PAULUS ANNETAMO
- MR GAHO ANAM
- MR DULCIE LEONIE ANDERSON
- MR PETER ALBERT ANDERSON &
- MR SVEN ANDERSON
- MR WILLINGTON ANDO
- MR BERK ANDREW
- MR HENRY ANDREWS
- MR JOSEPH ANDREWS
- MR YELIUR ANDRUWINDO
- MR FELIUS ANGANI
- MR BORDCO ANI
- MR PETER KARAI ANIAPAE
- MISS MARY ANIS
- MR LUCIAN ANIGA
- MR MISSBEAL MARIE ANNAIN
- MR AITUL ANONGA
- MR JOSEPH ANUGU MORINANGU
- MR MARTIN RAYMOND ANUGU
- MR TORE ANUME
- MR ANTHONY ANUNG
- MR AD AO
- ESTATE CHARLES AOAE DECD &
- MR HENRY AOKA
- MR GABRIEL APA
- MR QUSMANG APAI
- MR ORARA APALUNG
- MR TIMOTHY APALUNG
- MR AMIUR APANIA
- MR PELEGI AMKO APEA
- MR FELLY K APULS
- MR BORCO APULS
- MR SNOV PETER APYETI
- EST LATE DICK IRAMU API
- MR JACOB APIEP
- MR DEA APIO
- MR KIKIVE LIVE APIZO
- MR STANLEY APUGANA
- MR SIMON APUL
- MR ARA ARA &
- MR VANVANA
- MR JOSEPH ARAMANAT
- MR SADI A ARANGE
- ARAWA TOWN AUTHORITY
- MR DAVEA AREBOKA
- MR REX EDWARD AREK
- MR MIROU ARIFAE
- MR JOHN ARINA
- MR RUBEN ARIRINU
- MR VICTOR NAGAI ARME
- MR GIOVA ARPI
- MR TREVOR ARPIA
- MR MOSES ARPIDE
- MR BOE ARIA
- DR CHRISTOPHER UME ARLA
- KAVIRA ARUTU
- MR ELIJAH ARURHU
- MR KAMILINA ASILOI
- MR CHRISTINE B ASING
- MR PIEWA ASIRI
- MR ALOYSIUS ASISINU
- MR EMOS ASIU
- MR JOHN ATAWATO
- MR BALIM ATEGE
- MR SEKI ATPA
- MR KILA AU
- MR BRIAN AUBOTT
- MR SIXTUS AULIKAM
- MR KAMARUM AUN
- MR ROSE SIGAMARI AUSTIN
- MR HANAMO AUIVO
- MR JOHN KARARA AVE
- MR PEARSON KAU AVE
- MISS MICHAEL AVEKAU
- MR HITO AVEKAU
- MR RICHARD AVERO
- MR KONEVA AVO
- MR SAOVI AVOA

WANTOK

TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 2500 or Fax 325 2579 EMAIL: wordadvertising@global.net.pg

EYEGGLASS SPECIALS

Eyeglass fitted with your own prescription in sturdy frames that will last a long time.

**PRICES ARE UNBEATABLE
HURRY WHILE STOCK LAST**

Why not enquire and see for yourself, at Sed Optical, Garden City, Boroko

Ph: 325 6433, Fax: 325 6692
Email: sedltd@daltron.com.pg

LODGES

Kiunga Lodge

Small quiet motel situated in the heart of Kiunga 16 Air-conditioned Rooms, all with cable television and bar fridge. Price includes Dinner and Breakfast. Guests staying more than one night will receive a Packed lunch for second and subsequent days.

Only K120.00 per night including VAT

Ph: 548 1127 / 548 1045
Fax: 548 1069
Email: kss online.net.pg

GUESTHOUSE

Kiunga Guest House

From K140.00 to K260.00 / night all inclusive of meals, laundry, 10% VAT.
Transport to and from the airport. Vehicle hire

Tel: 548 1188 / 548 1084

Fax: 548 1195

Email: bookings@gh.ningerum.com.pg

SECURITY

Exsel Security

Ex-PNG & British Servicemen

Tel: 323 9101 - Fax: 323 9109 Email: exsel@global.net.pg

PROPERTY & PERSONAL PROTECTION

• Your Property Checked 2-3 times Every Night

We leave a calling card every visit report on your guards resolve emergencies

• 24 hrs x 7 days Armed "Rapid Response Unit"

Day or night we come to your aid in the event of; An intruder or life threatening issues, Shoplifters or employee theft

You need urgent security.

If you are arrested any emergency

Whatever the emergency - at work, at home or out and about in N.C.D. Whatever the reason - personal safety, medical, fire, theft, vehicle theft/breakdown etc... **You can call us 24 hrs x 7 days and we will be there, fast!** To take command of your security issue, whatever it is. For your peace of mind we can leave security with you after the issue, if needed.

Membership - Commercial K100 per week first property

K75 per week extra property

- Domestic K50 per week first property

K25 per week extra property

JOIN NOW! AVOID THE TRAUMA. DON'T TAKE THE RISK & JOIN AFTER AN EMERGENCY OTHER SERVICES

Tourist security escorts - rent-a-guard-body-guards - static guards

MANAGEMENT SERVICES

MANPOWER

Management Services Limited

(Fast and Efficient Service)

- Training & Localisation programs
- Work Permits
- Visas
- Company incorporations
- IPA Certifications
- State of the Art Database (Reminders automatically remitted)

Contact: Geraldine, Liz, Faith

Telephone: 321 5491 / 321 5492

Facsimile: 321 5493

Email: manpower@daltron.com.pg

ISLANDS MANAGEMENT SERVICES LTD

A bridge to your future career
Specialise in the following activities

- HR Management Consultant
- Labour Hire (local and expatriate)
- Payroll Services
- Business Advisory & Management Consultancy
- Passport, Visa & Work Permit
- Secretarial Services
- Customised Tailoring Services
- Provision of Corporate and School Uniforms
- Training & Localization Programme

Suit 8 Level 1 Garden City, Angau Drive, Boroko

Email: islandsrmse@datec.com.pg

PO Box 889, Boroko, NCD

Ph: 323 4955; Fax: 323 4799

VANILLA VINE CUTTING FOR SALE

Contact: Peter Devis- P.O. Box 89, WEWAK, ESP

Ph/Fax: (675) 856 2743

Email: pdevis@datec.net.pg

Vanilla Cuttings for Sale ...continue

Wewak / Vanimo	K210.51 for 100
Wewak / Aitape	K214.69 for 100
Wewak / Lumi	K221.42 for 100
Wewak / Nuku	K208.33 for 100
Wewak / Angukunak	K203.10 for 100
Wewak / Greenriver	K247.21 for 100
Wewak / Madang	K212.38 for 100
Wewak / Lae	K228.28 for 100
Wewak / Buka	K320.80 for 100
Wewak / Tabubil	K303.52 for 100
Wewak / Moresby	K225.39 for 100
Wewak / Alotau	K299.05 for 100
Wewak / Kerema	K338.06 for 100
Wewak / Daru	K355.45 for 100
Wewak / Tufi	K336.19 for 100
Wewak / Tapini	K314.31 for 100
Wewak / Kikori	K372.46 for 100
Wewak / Baimuru	K345.45 for 100
Wewak / Popondetta	K270.35 for 100
Wewak / Hagen	K215.44 for 100
Wewak / Moro	K386.68 for 100

* We also can be agents for vanilla bean buying companies.

VANILLA

VANILLA SAFFRON IMPORTS (USA)

is now buying Sun Cured vanilla beans in PNG. We offer the best price for quality Vanilla Beans. If you have your Vanilla Beans ready, contact the Facilitator on Fax/Ph: 326 2760

MINING EQUIPMENT

Alluvial mining equipment for sale

Gold dredges, Pro 2.5inch, Pro 3inch, Pro 4inch, Pro 5inch & Pro 6inch

High Banker combo, Super Metal Detectors Sluice & Pans, Gold Wheel, Rock Crushe Mercury retort

Field Service trip, Consultation Service

Gold Buying

Equipment Demonstration every Tuesday and Thursday.

CONTACT GOLD PAN

POM: Phone- 323 6052; Fax: 325 2959

Wewak: Phone/Fax - 856 1466

GOLD BUYERS

Gold Buyers - Metals Refining Operations

Offering the best price in PNG. No middle-man involved.

Come and sell your gold direct to the refinery.

Location: Section 451, Allotment 2, Kwila Estate, Cameron Road, Waigani

P.O. Box 3980, Boroko, NCD.

Papua New Guinea

Ph: 325 2647; Fax: 325 2959

Website: www.metalsrefining.com.pg

EDUCATION

NASU TECHNICAL EDUCATION AND CONSULTANTS

1. ENROLMENT OPEN FOR TECHNICAL COURSES

- Auto Mechanic, Carpentry, Welding, etc...
- Must have completed grade 6, 7, 8, 9, 10 and above.

2. EMPLOYMENT OR APPRENTISE

- Must have completed P.E.T.T. Courses, Vocational Training, I.C.S. etc....

3. CASHIER/SALES COURSE FOR LADIES ONLY

- Must have completed grade 6, 7, 8, 9, 10 or above

4. SHORT COMMERCIAL COURSES

- Stock Taking, Bank Reconciliation, Petty Cash Management, etc...

5. COACHING OF SCHOOL CHILDREN

- Grades 5, 6, 7, 8, 9, 10, 11, 12, Code Students etc..

Entry test opens for 2003.

Telephone: 325 9976/326 3477

Location: 4 mile upstairs of Rural Development Bank (Romm 8)

X-RAY SERVICES

PORT MORESBY IMAGING LTD

X-Ray Ultrasound Scanning

For Employment/Visa/School Medicals

- WE ARE FAST
- WE ARE EFFICIENT
- WE ARE THE BEST

Location: Dr. Mola's Hospital, Taurama Road
Phone: + (675) 325 1140

Fax: + (675) 325 9740

Email: atanu@online.net.pg

NONI JUICE

100% Noni Juice made in PNG

Try & Feel the Difference Naturally.

Now Selling:

POM - Boroko Foodworld

POM - Golden Bowl Restaurant

Mount Hagen - Kabuka Supermarket

Wewak - George Seto Supermarket

Rabaul/Kokopo - Novello Real Estate

Balimo - WP - HB Trading Company

Lae - Pelgens Supermarkets x 3

Lae - Foodmart Supermarket

Lae - Papindo Supermarket - Eriku

Madang - MAS Supermarket - OLD Butcher

SECONDHAND CLOTHING

FRIENDTEX LTD WHOLESALE

P.O. Box 5049, BOROKO, NCD

Ph: 323 1471 Fax: 323 1479

NEW ARRIVALS and stocks in hand

Jeans, Skirt Pants, Floopy, Hennaed Shorts, Blue Jeans, Collar T/S, Pollo T/S, Bedsheets, Golf T/S, Bedsheet/Pillow case, Cut Jeans, Childre Mix, Baby Ramage, Printed colour T/S, Work wear, Flannel Shirts, Skirts, Socks, Mix Shorts, Jeans Shorts, Bra, Light Zipper Jackets, Shoes, Blankets, Cargo Pants/Shorts, Brown bales Mix 200kg

Come and see what we've got in our wholesale

Location: Kenmore Trade Centre Unit 11, next to Arnotts Biscuit Factory, off Cameron Road, Gordons, N.C.D

WATER PIPES



**Port Moresby
Pipes Limited**

Tel: 325 3258 Fax: 325 2635

Email: nick@daltron.com.pg

SPECIAL

40mm DWV	K23.95	length	4.85m
50mm DWV	K41.15	length	5.85m
100mm DWV	K62.75	length	5.85m

Sell: Electrical Conduits

Pressure Water Pipes, all sizes

MANUFACTURERS & SUPPLIES OF PVC PIPES AND PLUMBING FITTINGS

Fairfax volibal pulim 13 tim

WANPELA ten tri (13) tim i putim nem pinis long stap insait long resis Fairfax Volibal Asosiesen kompetisen. Dispela kompetisen i stat pinis long Taurama Leisure Senta volibal kot las wiken.

Nem bilong ol tim i stap long dispela resis em Civil Aviation Authority (CAA), Bomas, Fire, Esilon Weibas, Investment Promotion Authority (IPA), Raukele, Saks, Mixtures, Telikom, Young Wimens Christian Association (YCWA), Fresh

Hits, Baramanu na Valu Dolphins.

Namba wan gem bilong pri-sisen i stat pinis. Tupela tim tasol i no soim pes em Raukele na Vula Dolphins.

Sekretari bilong Fairfax Volibal Asosiesen (FVA) Mea Johang i tok olgeta tim bai putim tim long A na B gret divisen.

Johang i tok tripela tim i lusim NCD Volibal kompetisen na kam pilai long Fairfax kompetisen em Hoppers, Vailima na Yumi Yet.

Em i tok pe bilong wanwan tim long pilai long pri-sisen em K100. Na long sisen propa, afiliisen fi em K150 na pilaia rejistresen fi em K50.

Johang i tok planti tim nau i joinim kompetisen na dispela i soim olsem kompetisen nau bai kamap gut na tu strong stret namel long ol tim.

"Mipela i laik promotim volibal na i amamas long lukim planti manmeri i wok long kamap wantaim ol tim long pilai long kompetisen," Johang i tok.

Nupela basketbal resis long Mosbi

HOHOLA bai kamapim wanpela nupela basketbal asosiesen bihain long wanpela op-sisen kompetisen i bin kamap gut tru. Nem bilong dispela asosiesen em Hohola Basketbal Asosiesen (HBA).

Presiden bilong HBA Albert Moide i tok dispela kompetisen bai kamap bihain long op-sisen i kamap na pinisim gut pilai bilong em.

Em i tok olsem 9-pela klab i gat tupela mun long stretim ol yet long putim nem.

Moide i tok strong olsem

husat i laik putim nem i mas baim ful yunifom, ful afiliisen na pilaia rejistresen fi.

Em i tok afiliisen fi em K30 na pilaia rejistresen fi em K3. Dispela fi em bilong ol sinia na junia men tim. Nau ol tim i givim nem pinis em Darks, Kama, Erima, Zerupi, Cedar, Figgy, Louka, Beech Rollers na Paradise.

Tupela tim tasol i stretim ol yet em Kama na Erima.

Wanpela nupela tim i kamap em ol yangpela bilong Ebony, Ash na Potea Strit i putim.

Asisten sekretari bilong HBA Ruth Lahari i tok rul bilong kompetisen bai bihainim sem rul olsem bilong BCL na tu PNG Basketbal Federesen.

Bikpela astingting bilong HBA nau em long joinim nesene bodi, Basketbal Federesen bilong PNG tasol nau yet, em i kamap olsem liklik asosiesen bilong Capital Basketbal Lig (CBL).

HBA nau i askim Ronnie Mea bilong BFPNG long holim wanpela kosing klinik bilong ol yangpela long holide taim.



• Mary Gumia bilong Telikom i kalap antap tru long kisim bal egensim Gillian Ole bilong Finance. Kain pilai i helpim Telikom long win 27-22.

Telikom bukim namba wan spes long PS netbal

DIFENDING sempion Telikom i bukim pinis namba wan spes bilong gren fainel long NCD Pablik Sevans netbal kompetisen las wiken.

Telikom i autim maina primia Finance long mesa semi fainels long las wik Sarere long Rita Flynn netbal kot.

Gol suta bilong Telikom Mary Gumia wantaim gol atek Illa Vala na gut golkipa Kerry Tarua i go pas long kamapim dispela win.

Long namba wan hap, tupela tim

wantaim i pilai strong tru na skoa bilong ol i sanap 12-11 long hap taim. Telikom i go pas long dispela skoa.

Na long namba tu hap, Finance wantaim ol pilaia bilong em Jean Rex, Waine Watson, Gillian Ole, Dianne Kala na Lynah Uvau i kamapim strongpela pilai stret long surukim skoa bilong ol i go long 17 na Telikom 21.

Tasol long las kwata, Telikom i yusim gut eksperiens bilong em long pilai na ranawe wantaim 26-20 win.

Popat i lukautim Goroka University

OLPELA nesene kosà Robert Popat nau i stap long Goroka, Isten Hailens na kosim University soka klab.

Popat i holim wok kosa long sinia mens, wimen na i no long-taim i go i kamap nesene yut kosa (Anda 20).

Popat i bihainim meri bilong em Jennifer husat i winim wanpela bikpela wok long University of Goroka na i kosim soka tim bilong University.

University soka klab i wok long kamapim gut ol pilaia anit long lukaut bilong stail mangi Popat na i winim pinis olgeta gem bilong pri-sisen.

Robert Popat em wanpela nem i save go wantaim soka long Pot Mosbi. Popat olsem yangpela woda plis, em i save hukim bal olsem urita long umben bilong Tarangau na bihain em i joinim University soka klab long Pot Mosbi.

Nau em i stap long Goroka, em i lukautim University soka klab we i stap insait long pri-sisen bilong winim Augustine Tom Kap resis. Leit Augustine Tom em i wanpela boi Manus husat i save givim bikpela taim

JAMES KILA i raitim

bilong em long sapatim soka long Goroka taun na tu Isten Hailens provins.

Presiden bilong Goroka Soka Asosiesin (GSA), Mathew Waram i tokaut olsem Popat i helpim UOG tim long winim tupela gem bilong ol las wiken long kain kosing bilong em.

Waram i tokaut tu olsem dispela tim bilong UOG i kamapim gutpela pilai tru. Em i tok las yia tim bilong UOG em ol i kolim Solkas i bin go insait long fainel. Dispela tim nau i senisim nem i go olsem Yunivesiti. Tim ya i gat planti ol pilaia bilong Solomon Allan, Vanuatu na ol Bogenvil i save pilai long em.

Waram i tok tu olsem dispela pri-sisen kompetisen bilong Augustine Tom Kap bai ron long 3-pela wiken bipo kompetisen i go insait long sisen-propa.

Em i tok tu olsem long dispela yia tupela tim i pulaut long kompetisen. Ol dispela tim em Morning Star tim bilong ol lain brata bilong West Papua na tu

olpela tim West Yunaited.

Waram i tok ol tim we i bin kamap las wiken em Blu Kumuls, Murat, Momase, Guria, Telikom, Chauka, Yunivesiti na PNG Pawa.

Em i tok tu olsem nupela tim we i kam insait long kompetisen dispela yia em Chauka. Dispela tim em ol sampela pilaia bipo save pilai long Blu Kumuls i bruk na fomim anit long lukaut bilong Sajent James Bonki na Pondros.

Waram i tok em i amamas long stat bilong kompetisen na gutpela pilai we i kamap las wiken.

Narapela gutpela samting GSA i lukim we i mas kamap em long lukim ol sumatin bilong narapela provins husat i stap long UOG long joinim ol narapela klab insait long kompetisen long kamapim salens.

Las yia tim bilong UOG Solkas i no bin lukim bikpela salens tumas long ol narapela klab na em i bin win isi tasol. Olsem na i gat ol gutpela soka pilaia i stap husat i ken helpim na bringim hap stendet bilong soka long Isten Hailans.

AB Bears i kamap maina primia

AB BEARS i salim strongpela tok lukaut long ol arapela wimen tim taim em i autim tiket bilong Wantoks 5-4 long Pot Mosbi wimens sofbal las wiken. Dispela gem i pinisim sisen propa na bai lukim 4-pela tim tasol i pilai long fainel.

Win bilong Bears i helpim ol long sindaun antap long 26 poin, Gazelle 21, Wantoks 19, Norths 19, Chebu 17, Admiralty 14, SP 13, All Stars 9 na Dolphins 3.

Poin lata nau i soim olsem ol top foa tim tasol bai pilai long painim husat bai go long gren fainel. Nau yet em Bears, Gazelle, Wantoks na Norths.

Kosa bilong Bears Rupen Ratia i tok em i wari liklik long namba wan hap tasol em i amamas tru olsem ol

PAUL ZUVANI i raitim

pilaia bilong em i mekim gut long winim gem.

"Mi amamas tru olsem mipela i kamap maina primia. Mi save Wantok em i wanpela strongpela tim na taim ol i go pas long ol raun, dispela i mekim mi wari liklik," Ratia i tok.

"Tasol sampela hap mi save mi gat ol gutpela pilaia tu. Na dispela bilip bilong mi i karim kaikai.

"Dispela win bilong mipela na mipela i kamap maina primia i mas givim tok lukaut long narapela tim.

"Mipela i redi tasol long bungim wanem tim husat bai salensim mipela.

"Liklik hevi bilong mipela em long betting. Long dispela taim

mipela i bai wok long stretim liklik asua," Ratia i tok.

Ol poin bilong Wantok i kamap long Pauline Wakit, Veronica Bagasel, Kolish Banam na Encie Tovia long namba tri ining.

Dispela i wanpela laki ran bilong ol bihain long ful bes taim Tovia i paitim bal. Bihain long dispela ran, bikpela ren i kamdaun na helpim pitsa bilong Bears.

Bears i no pilaiim namba wan pitsa Maggie Joseph. Ol i yusim riserv pitsa Natalie Bart. Bart wantaim helpim bilong ren i mekim hat long ol Wantok i paitim bal. Dispela tu i mekim na ol i no mekim sampela moa ran gen.

Tasol ren i gutpela long ol Bears. Ol i yusim dispela long sko-

rim tripela ran i kam long Bart, Joyce Inguba na Janice Soweni. Dispela ol ran i kamap long namba foa ining.

Bihain long dispela nau, Ratia i senisim pitsa na putim Maggie Joseph i go insait. Pitsing bilong Joseph i strong na trangu, ol Wantok i painim hat tru long paitim bal. Ol i no bin mekim wanpela ran liklik long foa na fiv ining.

Long las ining, Joseph na Terry Akorare i mekim ran na kam hom. Ol wantok inap long mekim sampela moa ran tasol ol i no pilai gut.

Long ol arapela gem, Chebu i mekim save long ol susa, Dolphins 13-5, All Stars i mekim Gazelle 2-1 na SP rausim tiket bilong Dolphins long wanpela was-a-ut gem 14-4.

Soka tim redi long Australia

PAPUA Niugini wimen soka tim i redi gut pinis long go pilai long 2003 Wol Kap wimen's kwalifaia tonamen long Canberra, Australia. Tim bilong PNG bai lusim kantri long Sande.

Dispela tim i stap long wan-wik kem long Pot Mosbi na tren aninit long nesanel kosa Francis Moiyap na tu Stephen Cain - teknikel dairekta bilong PNGFA.

Soka tonamen ya bai kamap long Epril 5-8 long Belconnen Soccer Centre.

Moiyap i tok em i gat gut-pela pilaia na i bilip olsem ol i ken kamapim gut-pela pilai egensim ol pilaia bilong Nu Silan na Australia.

Kosa i tok ol meri i tren gut. Ol pilaia bilong Lae, Madang na Goroka i bin kam bung gut wantaim ol pilaia bilong Pot Mosbi.

Stephen Cain i tok olsem bikipela wari bilong em, planti ol meri i no pilai kompetitiv soka bikos em i op-sisen long kantri. Tasol dispela i no bikipela wari bikos ol pilaia long Pot Mosbi na Lae i stap long op-sisen bilong Pablik Sevans.

Cain i tok tim bilong PNG

i gat ol yangpela pilaia. Dispela i gutpela long helpim ol long go ovasis pilai na lainim sampela samting.

Em i tok i gat sampela ol eksperiens pilaia olsem Frederica Siwin, Josephin Waiwai, Virginia Simon, Yantin Wagum na Miriam Lanta husat bai go pas long ol dispela ol yangpela pilaia.

Cain i tok wanpela we bilong painim aut sapos ol yangpela i ken pilai em long putim ol long tim.

"Bikipela hevi nau olsem sapos ol yangpela i ken pilai strong egensim ol ovasis pilaia," teknikel dairekta i tok.

Ful tim em Glenda Matties, Wanting Yangum, Nakare Nombe, Neilen Limbai (Lae), Virginia Simon (Goroka), Theresa Kigs, Priscilla Konalali (Madang), Miriam Lanta, Judith Sauto, Joyce Komeng, Julie Alau, May Liosi, Daisy Siniu, Lydia Barnabas, Tokoi Norrie, Josephine Waiwai, Margaret Aka, Frederica Siwin, Roksen Komeng na Dianne Tasion. Ol opisel em Daisy Chris (tim menesa), asisten kosa Steven Mune na kosa Francis Moiyap.

PNGRFL bai holim AGM

PAPUA Niugini Ragbi Futbal Lig (PNGRFL) bai holim anuel jenerel miting (AGM) bilong em long Lae long dispela wiken.

Jenerel menesa bilong PNGRFL Kevin Murphy i tokim *Wantok Nius* olsem ol i bringim AGM i go long Lae long pulim moa afiliet long kamap long miting. Dispela AGM bipo i kamap long Goroka long Isten Hailens long mun Februari 15 tasol planti ol senta i no bihainim gut rot bilong afiliet.

Murphy i tok 14 senta bai

Ol arapela toktok bai kamap long miting em: • Ripot bilong Presiden; • Ripot bilong Fainens; na • Ripot bilong wanwan ol 4-pela dairekta.

Jenerel menesa i tok ol ragbi lig senta husat i afiliet long las yia bai vot. Ol senta em Port Moresby, Lae, Goroka, Mt Hagen, Rabaul, Kundiawa, Wabag, Kimbe, Kavieng, Pari, Tabubil, Ramu, Buka na Alotau. Em i tok tu olsem ragbi lig

insait long kantri i no kamap gut long wanem i gat planti hevi.

Opisel bilong PNGRFL i tok long hailens, ragbi lig i bagarap bikos nesanel ileksen na tu lokal level ileksen i bagarapim ragbi lig.

Murphy i bilip olsem ol arapela senta olsem Wewak, Wau/Bulolo, Vanimo, Popondetta, Poreporena, Porgera, Pangia, Minj, Malalaua, Kiunga, Kerema, Kainantu, Banz, Baiyer na Aiyura bai baim afiliet bipo long AGM.

Ol arapela toktok bai kamap long miting em:

Opisel bilong PNGRFL i tok long hailens, ragbi lig i bagarap bikos nesanel ileksen na tu lokal level ileksen i bagarapim ragbi lig.

Murphy i bilip olsem ol arapela senta olsem Wewak, Wau/Bulolo, Vanimo, Popondetta, Poreporena, Porgera, Pangia, Minj, Malalaua, Kiunga, Kerema, Kainantu, Banz, Baiyer na Aiyura bai baim afiliet bipo long AGM.




• Willie Moide bilong Hohola Magpies i tromoi han long rausim pilaia bilong Negifi Bears long Okkaihen ragbi lig kompetisen.

**WINIM
K250
PRAIS
MONI**

PAINIM BAL

RESIS NAMBA 2



RUL BILONG PILAI"

1. makim X long poto yu ting bal i stap long en
2. makim X long pen tasol.
3. Katim poto long sisos na salim long **PAINIM BAL RESIS NAMBA 2**
Wantok niuspepa. P.O. Box 1982, Boroko NCD.
4. Nambawan entri i makim stretpela hap bai i stap, em bai win.
5. Las de bilong kisim ol entri em pinis bilong olgeta mun.
6. Long Wantok bilong Januari 30 bai gat niupela K250 prais moni resis. Bai gat reisi bilong olgeta mun i go inap mun Desemba, 2003
7. Disisen bilong komiti i makim wanpela wina em fainol.
8. Wina bai kisim sek mani, na i no long kes moni.
9. Sapos nogat wina bai skruim win moni i go antap long nambapela resis.
10. Yu ken salim moa longwanpela entri, tasol noken yusim poto kopi.
11. Ol wokmanmeri na pikinini bilong Wantok niuspepa i no stap long dispela resis.

Raitim nem na adress bilong yu long hia

Nem.....

Adres:.....Krismas:.....

FIFA kos bilong soka edministreta

INTANESENEL soka bodi, FIFA bai holim wanpela woksap bilong ol soka edministreta long dispela wiken long Lae. Dispela woksap em i kam aninit long FIFA Gol projek we Glen Turner i go pas long em.

Turner bai kam tude na bihain go long Lae long go pas long dispela kos. Dispela woksap em i kam aninit long lukaut bilong Gol projek.

Ekting jenerel sekretari bilong Papua Niugini Futbal Asosiesen (PNGFA) Noel Mobiha i tokaut olsem em i namba wan taim kain woksap bilong soka i kamap long kantri. Dispela woksap em i no bilong PNGFA tasol FIFA i go pas long em.

Em i askim olgeta mausman bilong wanwan asosiesen long kamap long dispela miting long Fraide na pinis long Sande.

Mobiha i tok dispela woksap em long toktok long ol memba asosiesen;

- painim aut rot bilong developmen, na
- givim sapot long long-tem soka developmen.

Em i tok dispela woksap tu bai tokaut long wanem samting em wanwan asosiesen i toktok long em. Insait tu long woksap, ol bai glasim histori

HENRY MORABANG raitim

bilong PNGFA 5-yia developmen plen. Moa long 25 mausman bilong ol wanwan asosiesen insait long kantri bai kamap long dispela woksap.

Na long arapela stori bilong soka, Distrik Administreta bilong Markham Botikie B Buds i saspending pinis presiden bilong Kaiapit Distrik Soka Asosiesen (KDSA).

Insait long wanpela pas long de 7 long mun Mas, Mista Buds i tokim presiden Elison Lapan olsem em i saspending long wok olsem presiden. As bilong saspensien em Lapan i mas bringim kamap fainensel ripot bilong KDSA long sampela yia i go pinis.

PNGFA sekretariat i no wanbel long disisen bilong Botikie. Mobiha i tok olsem Distrik Administreta i nogat pawa long saspending Lapan olsem presiden bikos em i no wokman bilong Morobe Provinsal Gavman.

Dispela wok bilong soka em i samting bilong PNGFA. Orait ol wanwan lokal klab yet i ken gat rait long vot na saspending Lapan.

Mobiha i tok kain pasin Distrik Administreta i mekim i kamapim planti tingting tumas ya.

Ol Spot Dro

Toksave

WANTOK NIUSPEPA i laikim ol part-time niusman long salim nius na poto bilong sofbol stori i kam long bikpela senta olsem Mt Hagen, Lae, Goroka, Madang, Wewak na Wes Nu Briten. Sapos yu ting olsem yu ken helpim Wantok Nius long dispela wok, plis ring na toksave long Spot Edita long dispela telefon namba 325 2500 o fex long 325 2579. Nogat yu rait long dispela adres: Spots Edita, Wantok Niuspepa, P.O. Box 1983, Boroko, NCD. Email adres em: word@global.net.pg: Attention: HENRY MORABANG.

PORT MORESBY RUGBY LEAGUE MVIL PRE-SEASON COMPETITION

Pool A
Tarangau
Magani
Kone Tigers

Pool B
Waliya
Dobo Warriors
Brothers

Pool C
Royals
Defence
Souths

Saturday 29th March, 2003

A 11.00am Tarangau vs Kone Tigers
B 1300pm Waliya vs Dobo Warriors
C 1500pm Royals vs Defence

Sunday 30th March, 2003

A 11.00am Waliya vs Brothers
B 1300pm Royals vs Souths
C 1500pm Tarangau vs Magani

PORT MORESBY MEN'S SOFTBALL DRAW

Saturday 29 March, 2003

Diamond One	Time	Grade	Fixtures	
	11.30 - 13.00		North Hawks vs AB Bears	B Play-Off

Sunday 30th March, 2003

Diamond One
10.00-12.00 B Dolphins vs Karanas - Major final
12.30-14.30 A Elcom vs Karanas Kopex - Major final
14.30-16.30 A Gazelle vs AB Bears - Elimination

Diamond Two
08.30 - 10.30 C
Karanas Kopex vs Elcom - Elimination
10.30 - 12.30 B
Manalos vs Winner Gaem 1 - Elimination
14.30 - 16.30 C
Samurai vs Manalos - Major Final

PORT MORESBY WOMEN'S SOFBALL ASSOCIATION

SEMI FINAL

Saturday 29th March, 2003

DIAMOND THREE

1000 C Gazelle vs Kopex
1200 C All Stars vs SP

1400 A Wantoks Norths

DIAMOND TWO

1000 B Wantoks vs AB Bears
1200 B Royals vs Manalos
1400 A AB Bears vs Gazelle

FILIPINO BASKETBALL ASSOCIATION

Don Bosco Technology Institute
Sunday, 30th March, 2003
1300 CHM Super Sound vs Patrick's Transport
1400 J&E Electrical vs Interlec Megavolts

BULOLO FORESTRY SOCCER ASSOCIATION PRE-SEASON DRAW

Saturday, March 22, 2003

1230 Zhangke vs Bulolo United
1330 Mt Susu vs BFC
1430 Bultaun Gateway vs Admin Geckos
1530 Waks vs Bulolo Uni College

Sunday, March 23, 2003

1230 Admin Geckos vs Bulolo Uni College
1330 Waks vs BFC
1430 Mt Susu vs Zhangke
1530 Bultaun Gateway vs Bulolo United

OKKAINHENS SPORTS ASSOCIATION

Hohola Sports Oval - 30th March, 2003
1100 B Kaiyo Storms vs Waribi Brothers
1200 B GH Eagles vs Morata Hawks
1300 B Linupa Panthers vs BP Knights
1400 A Kaiyo Storms vs Waribi Brothers
1500 A GH Eagles vs Morata Hawks
1600 A Linupa Panthers vs BP Knights

LAHI SOCCER ASSOCIATION PRE-SEASON DRAW

Saturday, March 29, 2003

All Games at the Sir Ignatius Kilage Stadium (SIKS)

08.00 Womens 1 Guria vs ES United
0915 Womens 1 Mungkas vs Bumayong
1030 Womens 1 Lahi Squad vs Sobou
1145 Mens 1 Lahi Squad vs Bugandi
1300 Mens 1 ES United vs Sobou Blue
1430 Mens 3 Guria vs Bumayong
1500 Men 3 Arnotts vs Unitech Gold

UNITECH GROUND ONE

1230 Men 2 MB United vs Unitech Maroons
1345 Women 2 Bugandi vs SP Brewery
1500 Men 4 LPSS Squad vs Aigob

UNITECH GROUND TWO

1230 Men 3 Bismark vs Works
1400 Women 2 Arnotts vs PNG Power
1530 Men 4 Sobou Yellow vs TTC Bullets

SUNDAY 23 March, 2003

All Games SILK stadium
08.00 Men 2 Murat vs Milne Bay United
0915 Women 2 Murat vs Arnotts
1030 Womens 2 Bugandi vs MB United

1145 Men 2 Lahi Squad vs Unitech Maroons
1300 Women 2 PNG Power vs SP Brewery
1430 Mens 3 Bismarck vs Mungkas
1500 Men 4 Soboy Yellow vs PNG Power

UNITECH GROUND ONE

12.30 Womens 1 ES United vs Sobou
1345 Womens 1 Guria vs Mungkas
1500 Womens 1 Lahi squad vs Bumayong

UNITECH GROUND TWO

1230 Men 1 ES United vs SP Brewery
1345 Men 3 Guria vs Works

VOLLEYBALL FAIRFAX 2003 PRE-SEASON

Saturday 29th March, 2003

Taurama Leisure Centre (TLC) Volleyball Courts
WEEK One

COURT ONE (men)

0830 IPA vs Mixtures
1000 Esi Loan Neibas vs Vulaa Dolphins
1130 Boomers vs Hoopers
1300 Bismarck Sharks vs Umi-Yet
1430 Baramanu vs Scorpions
1530 IPA vs Fresh Hits

COURTS 2 (women)


0830 Baramus vs Fresh Hits
1000 CAA vs YWCA
1130 Bismarck Sharks vs Scorpions
1300 Fire vs Telkom
1430 Boomers vs Valima

SUNDAY 30th March, 2003

Court One Men

1230 Fire vs Telkom
1400 Vailima vs CAA
1530 Fresh Hits vs Raukele
Court Two Women
1230 Raukele Umi-Yet
1400 IPA vs Mixtures
1530 Esi Loan Neibas vs Vulaa Dolphins

• Momase keeper Gassman Topias i laik rausim bal long wangepela Difens pilaia long Bisini las Sarere. Momase i win 2-1.



• Paul Komboi (15) bilong Azurri i laik ban-isim Brian Tuhiana bilong Pom U23 long soka gem bilong ol long Bisini.

Lephan: Skul soka i stat gen na kaikain stail i save kukim Sir John Guise stedium olgeta Sarere. Dispela em gem namel long Pom Grammar na Gordons IEA.


Ol poto: JOE IVAHARIA.



• Manu Paul bilong Pom U23 tim i lukluk long bal taim Tony Kepou bilong Azurri i hetim bal long pri sisen gem bilong PMSA. Tupela tim i dro 0-0.

WANTOK SPOTS

Yamaso i go pas long Okkaihens ragbi lig



• Pilaia bilong Waribi Brothers i laik flai taim pilaia bilong Hohola Magpies i takolim em na pundaun long Okkaihens Op-sisen ragbi lig las wiken. Hohola win 12-8.

RESIS bilong winim laspela eit (8) spes i op yet long wanem ol tim i wok long stap klostu klostu insait long Okkaihens ragbi lig kompetisen.

Bihain long ol gem las wik, difending sempion Yamaso Raiders i stap long 24 poin. TK Maroons long 23, Negifi Bears 22, Hohola Magpies 20, BP Knights 21, Usu United 21, GH Eagles 19, Linuap Panthers 19, Waribi Brothers 17, Kanage Spiders 15, Kaiyo Storms 10, JV Bulldogs 8 na Morata Hawks 6.

Presiden bilong Okkaihens Op-sisen Ragbi Lig kompetisen Gary Yagafa i tok olsem dro long wiken i makim las raun. Na ol arapela tim i no stap long dro i min olsem ol i bai long dispela wiken.

Bihain long dispela wiken, ol eksekutiv bilong Okkaihens ragbi

lig bai tokaut long ol fainel 8 tim.

Waribi Brothers, Linuap Panthers na GH Eagles i gat las sans long kamapim gutpela gem long wiken long strongim sait bilong ol long fainel.

Waribi Brothers bai bungim Kaiyo Storms. Ol boi Storms i stap namba tri las long poin lata. Sapos Brothers i laik stap insait long fainel, em i mas kamapim gutpela gem long win.

Linuap Panthers tu i wankain. Em i mas autim tiket bilong BP Knights. Ol Knights nau i stap namba faiv long lata.

Ol Eagles bilong Garden Hill i gat gutpela sans. Ol bai salensim Morata Hawks husat i bosim las bilong poin lata.

Morata Hawks i wanpela gutpela tim tasol ol i no paia long dispela yia.

Ol tisa redi long Ista tonamen

OL tisa insait long Hailens rjon bai bung na amamas long Kondiu Sekendari skul insait long Ista wiken long Simbu provins long lukim Namba tu Hailens Tisa Gems i kamap.

Dispela tisa gem i save pulim ol tisa i kam long Isten Hailens, Sauten Hailens, Westen Hailens, Enga na Simbu.

Kodineta bilong Gems Peter Aglua i tok

olsem dispela tisa gem i kamap long Kondiu skul pilai graun. Planti ol arapela program tu bai i stap long mekim dispela de i gutpela long amamas.

Em i tok astingting bilong holim dispela gem i kamap bihain long wanpela Edukesen Sevis Kos long Nesenel Spots Institut.

"Aastingting bilong kamapim dispela spots program em long pro-

motim pasin bung-wan-taim na amamas na pilai wantaim namel long ol tisa," Aglua i tok.

Las yia, namba wan gem i bin kamap long Hailens provins. Foapela tim i bin kamap. Ol dispela tim em Goroka 1 Goroka 2, Simbu na Kainantu. Insait long dispela gem, Goroka wanpela i winim tropi we Uni-Goro Konsalten i sponsorim. Uni-Goro em wanpela kampani

bilong ol tisa bilong Yunivesiti long Goroka i papa long em.

Aglua i tokaut tu olsem ol lain Mendi, lalibu, Mt Hagen na mid-Waghi i toktok pinis long salim tim long dispela gems long Kondiu.

Ol gem bai kamap long dispela Tis Gems em volibal, basketbal, ragbi tas na soka. Ol dispela wankain pilai i bin kamap las yia we i lukim tim bilong Goroka i winim tropi.

Tripela spot i raus long Fiji SP Gems

TRIPLE spot bai save long dispela wik Fraide sapos ol bai go pilai long 2003 Saut Pasifik Gems long Fiji o nogat.

Ol spot ya em soka, volibal na basketbal.

Insait long wanpela pas, siaman bilong PNG Spots Federesen Jastifikesen Komiti Raymond Haoda i tokim tripela spot olsem sans bilong ol long winim medal i no gutpela tumas.

Nesenel kosa bilong basketbal tim Moses Koiri i tok PNGSF i noken lukluk long rekot bilong las Saut Pasifik Gems long 1999. Nau basketbal i gat planti ol yangpela pilaia inap long mekim senis.

PNG i pinis namba 7 long Guam. Samting olsem 8-pela tim tasol i resis long men's basketbal kompetisen.

Koiri i bilip olsem ol pilaia husat i stap nau long nesenel tim i tren wantaim longpela taim na i ken kamapim gutpela salens

HENRY MORABANG i raitim

long ol arapela tim.

Em i tok PNGSF i apil long dispela disisen.

Koiri i tok olsem sapos basketbal i no resis long SP Gems dispela bai bagarapim tu sans bilong PNG long holim Osenia Anda 20 sempionsip neks yia.

Na long sait bilong soka, ol opisel bilong PNGFA i guria stret long kisim dispela nius.

Presiden bilong PNGFA Madiu Andrew i tok em i kisim tasol dispela feks o pas long dispela wik Mande.

Madiu i tok ekting jenerel sekretari Noel Mobilha i lukim Deputi sekretari bilong PNG Spots Federesen Ivan Ravu long stretim dispela toktok.

Mobilha i tokim *Wantok Nius* olsem em i go stretim dispela samting wantaim PNG Spots

Federesen. Em i tok PNGFA bai apil long dispela disisen long wanem soka i gat mani long baim fi we i save kam stret long Osenia Futbol Federesen.

Dispela em i namba tu taim Spots Federesen i kamapim hevi wantaim soka. Namba wan taim, Sir John Dawanincura husat i stap siaman bilong SP Gems Kaunsil i rausim soka long SP Gems program.

SP Gems Kaunsil i rausim soka long wanem ol i no laik bihainim lo bilong FIFA long gem tasol nau SP Gems i oraitim long yusim lo bilong FIFA.

Wantok Nius i laik kisim toktok bilong presiden bilong PNG Volibal Federesen Reatau Rau tasol em i stap long malolo.

Sekretari bilong PNG Spots Federesen Sir John Dawanincura i tok ol dispela spot i gat tupela de i stap we ol i ken apil na Judiseri Komiti i ken ske-tim pas bilong ol.

Tiny Teddy X

K500 to be won in each province

Paradise

10,000 SCHOOL FEE GIVE-AWAY

Send in three (3) empty wrappers of Tiny Teddy and you could win K500 towards 2003 school fees. Send entries to: School Fee Give-away, Locked Mail Bag, Boroko, NCD.

Entries closed: 21st March, 2003

Drawn: 28th March, 2003

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.